



ბუნძოლი

ყოველთვიური ორგანო საქ. ხელ.-დემ. : «LA LUTTE» — Revue mensuelle du
მუშ. პარტ. საზღვარგარეთელ ბუნძოხი : Parti Social-Démocrate Ouvr. de Géorgie.

პარიზი, აგვისტო 1927 წ. N° 26. Paris, Août 1927

1725
1927

29 აგვისტო.

სამი წელი შესრულდა დღიდან ქართველი ერის ადგომის და შემოსეულ მტარვალთა წინააღმდეგ მახვილით დარაზმვის.

საოკუპაციო ხელისუფლების დაუსრულებელი თარეში საქართველოში და ხალხის ელემენტარულ უფლებათა უდიერათა ფეხქვეშ გათელვა 1924 წელს საყოველთაო აჯანყებით დამთავრდა. 29 აგვისტო მებრძოლ საქართველოს უდიდესი ისტორიული ხანაა.

აჯანყება დამარცხდა. გამარჯვებულმა მუხთალმა მტერმა ჩეკასა და ციხეებში დიდი ხნით ადრე გამომწყვდეული ერის მეთაურები და საუკეთესო შვილები ათასობით გაჟლიტა. და აი სისხლით დამთვრალი კომუნისტური ხელისუფლება საბოლოო გამარჯვებას დღესასწაულობდა და სისხლიან სუფრისაკენ სხვადასხვა ჯურის მოღალატე უხშობდა. ერის დროებითი დაუძღურება მის საბოლოო განადგურებათ ჩათვალეს! ასეთი სიბეცე დესპოტიის თანდაყოლილი სენია.

და აი ცხოვრების სრულიად გარკვეული პასუხი. ქართველი ერი ფეხზე დგას, ის წელში გამართულია მიუხედავად ისტორიაში ჯერ არსათ ნახული ჯოჯოხეთური რეპრესიისა და თავის უეჭველ გამარჯვებაში დარწმუნებულია, ხოლო ხალხის მოსისხლე მტერი—კომუნისტთა ბანაკი საბოლოო გაიხრწნა და აუცილებელ დაცემის მოახლოება თვით მათ მიმდევართათვისაც ცხადი შეიქნა. ამაში თქვენ დარწმუნდებით თუნდაც ჩვენი გამოცემის მიმდინარე ნომრის გადათვალთვალებისას.

მართლაც, გაქრა ილიუზია კომინტერნის მიერ მსოფლიო რევოლიუციის მოწყობის, დამარცხდა ჩიჩერინისა და მისი საგარეო აგენტურის—კომინტერნის ჩხირკედელაობა და დასრულდა საბჭოთა კავშირის იზოლიაცია. ეს განსაკუთრებით ცხადია ინგლისთან დიპლომატიურ ურთიერთობის შეწყვეტის შემდეგ. ამავე დროს გაკოტრდა საბჭოთა ეკონომიური პოლიტიკა: იხურება ფაბრიკა-ქარხნები, იზრდება უმუშევრობა და მას თან მოსდევს მთელი ხალხის ჯერ არსათ ნახული გაღატაკება. და აი «გამარჯვებულთა» ბანაკი ირღვევა—სტალინის მომხრენი და ე. წ. ოპოზიცია ერთი მეორეს წინააღმდეგ ირაზმებიან და დღეს თუ არა ხვალ მათ შორის ბრძოლას ძალა გადაჭრის. ასეთია ისტორიის აუცილებელი კარხანი. დესპოტიის ციხე შიგნიდან ტყდება!

ამიტომაც არის საქართველოში კომუნისტურ პარტიას უკვე შორდებიან ის თითო-ორთა გლეხები და მუშები, რომელნიც თავის დროზე მოტყუებით მიიმხრეს, და უკანასკნელნი ხალხთან თუნდაც ფარულათ მორიგებას ეძებენ, ხოლო კომუნისტურ კრებებზე საოკუპაციო ხელისუფლების აგენტებს ჩვენი სიტყვებით მიმართავენ: «თქვენ ეყრდნობით რუსის ხიშტებსო».

სამი წლის წინეთ უცხოეთში ჯერ კიდევ სჯეროდათ ბოლშევიკურ ხელისუფლების «მოქვიანება» და ევოლუციონური გზით დემოკრატიისაკენ სვლა. დღეს ეს ზღაპარიც ისტორიას ჩაბარდა და ბოლშევიკების წინააღმდეგ ხალხის რევოლუციონურ ამოძრავების აუცილებლობამ გზა გაიკაფა.

1924 წელს საქართველო ომის ველზე განმარტოებული იდგა, ხოლო დღეს მას გვერდს უშევენებენ აზერბეიჯანი და მთა, უკრაინა და თურქესტანი. რუსეთის იმპე-

რიალიზმის წინააღმდეგ თვით გათვითცნობიერებული ერები წამოდგენ დესპოტიის ამოხადებათ და დამოუკიდებელ დემოკრატიულ რესპუბლიკათა დასამკვიდრებლათ.

1924 წლის აჯანყება დამარცხდა; ხოლო მის მიერ გადმოსროლილი ლოზუნგი—რუსულ კომუნისმის ამოგდება და საქართველოს განთავისუფლების იდეა თანდათან მტკიცდება და მისი საბოლოო გამარჯვება გვიახლოვდება.

მართალია მტარვალმა გაყლიტა ძველ მებრძოლთა თვალსაჩინო ბანაკი, ხელიდან გამოგვტაცა ერის დიდება—ნოე ხომერიკი, ბენია ჩხიკვიშვილი, ვალიკო ჯუღელი, გოგიტა ფალავა, ვასო ნოდია და სხვა ათასები, მაგრამ ვერ ჩაკლა და არც შეეძლო ჩაეკლა ერის განთავისუფლების იდეა. მტარვალთა ბრბო ჯერ არსათ ნახული სიმკაცრით და სადინზმით სიცოცხლეს ასალმებს ან და აწამებს ერის საუკეთესო შვილთ, მაგრამ ვინ არ იცის, რომ ცხოველმყოფელი იდეა ხორცს ისხამს და უფრო და უფრო ვრცელდება ბრძოლაში! და აი ომის ველზე ახალ ახალი რაზმები ჩნდებიან, საშვილი-შვილო საქმეს ეწირებიან და განთიადის მოახლოებას ეხმარებიან.

დღეს ჩვენ ვიგონებთ დაღუპულ გმირთა რაზმს, დარწმუნებული რომ მათი სახელი სამუდამოთ აღიბეჭდება მომავალ თაობათა ხსოვნაში და მარავანდელით შეიმოსება. მთელ ქართველ ერთან, რომელიც ფხიხლათ და მტკიცეთ დგას თავის უფლებათა სადარაჯოზე, ჩვენ ვესალმებით იმ მებრძოლთ, რომელთა განუწყვეტელი ცდა და თავდადება არღვევს რუსულ კომუნისმის საფუძველს და დემოკრატიულ საქართველოს სუვერენობის აღდგენას აჩქარებს.

ნ. ბ



ა გ ვ ი ხ ტ ე ხ გ მ ი რ თ ა ხ ხ ე ვ ნ ა ხ.

ნ ე ვ ხ ე მ ე რ ი ვ ი

პოლიციის დეპარტამენტის დახასიათებით.

1909 წ. ნოე ხომერიკი მძიმე ავთომყოფი ადმინისტრაციული წესით გადასახლებულ იქნა ვოლოჯდის გუბერნიაში. მისმა მეგობრებმა, მაშინ სახ. დუმის დეპუტატებმა, კ. ჩხიქიძემ და ევ. გეგუქკორმა, დუმის თავმჯდომარის, ხომიაკოვის საშვალებით აღძრეს შუამდგომლობა ნოეს პეტერბურგში საექიმოთ გამოსაშვებათ. ხომიაკოვმა შინაგან საქმეთა მინისტრისაგან მიიღო უარყოფითი პასუხი, რომელსაც დართული ჰქონდა პოლიციის დეპარტამენტის შემდგომი ცნობა:

«პასუხათ თქვენი მაღალ-აღმატებულების შეკითხვისა შესახებ ვოლოჯდის გუბერნიაში ადმინისტრაციულად გადასახლებულ ქუთაისის გუბერნიის ოზურგეთის მაზრის გლეხ ნოე ხომერიკისა, პოლიციის დეპარტამენტის დირექტორს პატივი აქვს გაცნობათ შემდეგი:

ზემოთ დასახელებული ხომერიკი ათ წელზე მეტია რუს. სოც. დემ. მუშათა პარტიის რიგებში ირიცხება. ამ დამნაშავეთა საზოგადოებაში შესვლის პირველ დღიდანვე ის ირჩევა თავის ამხანაგებისაგან არაჩვეულებრივი უკუთით. განსაკუთრებით ძლიერი ნებისყოფით, ორგანიზატორული ნიჭით და თითქმის ფანატიკური ერთგულებით სოციალიზმის და რევოლიუციის საქმისადმი. დღეს ის უკვე ერთი ლიდერთაგანია სოც. დემ. პარტიის კავკასიის ორგანიზაციისა და სულის ჩამდგმელი ყველა მისი რევოლიუციური ნაბიჯების, როგორც ბეჭდვითი პროპაგანდის, ისე სიტყვიერ აგიტაციის საქმეში ბაქო-თფილისის მუშათა შორის სოციალიზმის იდეების გასავრცელებლათ. სახელმწიფო დუმის სამივე საარჩევნო კამპანია ამიერკავკასიაში, რომელიც უკიდურეს სოციალასტების არჩევით დამთავრდა, ჩატარებული იყო ზემოთ დასახელებულ ხომერიკის უშუალო ხელმძღვანელობით. ერთის სიტყვით, ხომერიკი არსებულ საზოგადოებრივ და სახელმწიფო წყობილების ყველაზე საშიშ და შეურჩიებელ მტერთა კატეგორიას ეკუთვნის და ამიტომ, პოლიციის დეპარტამენტის აზრით, ყოველივე შემსუბუქება მისი ჩვედრის დემორალიზაციის გავლენას მოახდენდა მცხოვრებლებზე და დაუსჯელობის გრძნობას ჩანერგავდა რევოლიუციონერთა შეგნებაში».

კ ა ლ ი ა ლ ჯ უ ლ მ ლ ი ბ

კერძო წერილიდან.

ერთმა ამხანაგმა გადმოგვცა ვალიკოს კერძო წერილი, მიწერილი პირად მეგობრისადმი საფრანგეთიდან 1923 წლის 23 აგვისტოს, ე. ი. სწორედ ერთის წლის წინ მისი დაღუპვისა. ვაქვეყნებთ ზოგიერთ ადგილს ამ წერილიდან, რომელიც სარკვესავით გვიჩვენებს მის ნახ ბუნებას, კეთილშობილ პატრიოტიზმს, წრფელ თავდადებას.

«... მიმშობილი და წყურვილი სრულიად არ მაშინებს. მით უფრო რომ საფრანგეთში უბრალო ფიზიკური შრომითაც (და ფიზიკა მადლობა ღმერთს შემჩნა!) შეიძლება კაცმა თვეში 500—600 ფრანკი იშოვოს... მაგრამ სწორედ ეს პერსპექტივაა, რომ ყველაზე უფრო მაშინებს—პერსპექტივა საქმეზე, იდეიაზე ჩამოშორების და მხოლოდ თავის ტყავის გატანისა! მართალი გითხრა—ასეთუპერსპექტივო და დანარცხებულ ცხოვრებას სიკვდილი მიჩვენია... მე აქ ეხლა ხშირად მიხდება მარტო ცხენით მგზავრობა. ვაკეთებ ხოლმე 15—20 ვერსტს. ბუნება აქ ძლიერ ნაზი, აგორაკებული და ლამაზია. ძალიან წაგავს ყვირილის ხეობას და ამ მარტოობის დროს სულ ვფიქრობ, მარტო საქართველოზე ვოცნებობ! და თუმცა თითქმის სამმა წელმა ვაწვლი, რაც სამშობლო დაეკარგეთ,—მაგრამ მე გვინია, რომ ეს უბედურება გუშინ მოხდა, რომ კიდევ გუშინწინ ჩვენ საქართველოში ვიყავით და ჩვენი ქვეყნის პაერს ვსუნთქავდით. და მე დარწმუნებული ვარ—კიდევ რომ დავრჩეთ უცხოეთში 3, 5, 10 და 20 წელიწადი—ჩვენი წყლულები, ჩვენი ტკივილები და ტანჯვა არამც თუ არ იკლებს, არამედ მოიმატებს!

და ვანა ასეთ პირობებში შესაძლებელია ცხოვრება?! როცა ყოველ დღე, ყოველ წუთს თვალწინ გიდგას შენი ტანჯული ქვეყანა, როცა ყოველთვის თავს დაგტრიალებენ დახოცილ ამხანაგთა ლანდები და როცა ციხე-სარდაფებიდან შემოგაყურებენ წამებულ ამხანაგთა ნაღვლიანი თვალები—ვანა შესაძლებელია დამშვიდებული და გაწოლილი ცხოვრება? არ იფიქრო, რომ ჩემში მარტო ძველი რუსული «პოკოიანსტევა» ლაპარაკობდეს: «პუსტ მენია ვისეკუტ! მუჟიკა სეკუტ უე!» არა—ამ ფსიხოლოგიურ მომენტს (რომელიც ვასაგებია) თან ერთვის ის მთავარი მოსაზრება, რომ თუ დროზე არ მივეშველეთ სამშობლოს და დროზე არ გავიღეთ ყველამ საქირო მსხვერპლი—მთელი საქართველო სასაფლაოთ გადაიქცევა! და მერე რაღა ეშმაკათ გვინდა ჩვენი ოხერი თავი!...»

აჯანყების მსხვერპლნი ჭიათურაში.

სამი წლის წინათ ბორკილ გაყრილი საქართველო აღსდგა და ამცნო მუხანათ მტერს. რომ მას სურს «მისი თავი მასვე ეყუდნოდეს». ძლიერი და ერთსულოვანი იყო ამ სურვილის გამოძეღვენება... მთელი ერი განურჩევლათ სოციალური მდგომარეობისა, ასაკისა და სქესისა თავისუფლების დროშით ხელში ბრძოლის ველზე გამოვიდა. მაგრამ მტერთა სიმძლავრემ ამაყი ნება სძლია... მებრძოლ დემოკრატისა ხმალი გადაუტყდა და ლაჩარმა მოწინააღმდეგემ თავისი სანუკვარი განზრახვის სისრულეში მოსაყვანათ დრო იხელთა: შური იძია ამაყ სულზე... მებრძოლთა რაზმებს ხელები გაუკრა და უკანდინდნ ესროლა. არ დაინდო დედის გოდება, ცოლის მოთქმა და ჩვილის ცრემლი...

განათლებული კაცობრიობის გონება და ხარი შეაშფოთა ისტორიაში ჯერ არ ნახულმა ამ სიმხეცემ. ქართველი დემოკრატის საუკეთესო უცხოელმა მეგობრებმა თავისი ზრთა ზვიადობა და მქერმეტყველობა ამ ველურობის წინააღმდეგ მიმართეს. საბჭოების ფილი დიპლომატიას დასურდა ველურობის გამართლება ვეროპის წინაშე. მსოფლიო დემოკრატისთვის თვალების ასახვევათ ბოლშევიკებმა საქართველოს აჯანყება კონტრევოლუციურ მოძრაობათ მონათლეს, თავადების აჯანყებათ გამოაცხადეს. სამი წლის თავზე, როცა ძაძებში გახვეული საქართველო კვლავ დაიტოვებს მის გმირთა საფლავებს, კომუნისტების ვიგინდარა კალმოსნები, კახიანები და მათი მოსყიდული მწერალ-ორატორები სულაქველიძეები, ამ საფლავების შეგინებას დაიწყებენ, კვლავ გაიმეორებენ «თავადების აჯანყების» ჭორს. მე მინდა მათ პასუხი გავსცე ჭიათურის გმირთა ჩამოთვლით. მე მინდა მხოლოდ მათი სახელების მო-



59906

ყვანით აღენიშნო ამ მწარე დღის მოგონება. და რომ სულაქველიძეებს სირცხვილის გრძნობის ნატამალი შერჩენოდეთ, ისინი გაწითლდებოდნენ აქ ჩამოთვლილ მსხვერპლთა ხსოვნის წინაშე.

აი სია, და ისიც ნაწილობრივი, დაღუპულ ქვათურელ გმირთა:

მ უ შ ე ბ ი. სოც.-დემოკრატები: 1) ბერძენიშვილი ილიკო, 2) ცერცვაძე იოველ, 3) ცერცვაძე ერეკლი, 4) დოლიძე შალვა, 5) სალარიძე კალისტრატე, 6) ჯაფარიძე ილიკო, 7) სამყურაშვილი პორფირე (ნიკოლოზის დროს 5 წლით ციმბირში გადასახლებული), 8) სამყურაშვილი არტემ, 9) ქვედაძე პარმენ, 10) სამხარაძე ილია, 11) ნალრაძე სანდრო, 12) კეკელიძე ილიკო, 13) გამყრელიძე გრიშა, 14) გამყრელიძე აკაკი, 15) არაბიძე არჩილ, 16) ლოლაძე აკაკი, 17) ჭიჭინაძე ბიქტორ, 18) თოდრიაშვილი სოგრატი, 19) ჭავჭავაძე შალვა, 20) კაპანაძე არჩილ, 21) ციმაკურიძე ლადო, 22) ქურციკიძე დათიკო, 23) კაკოიშვილი კოწია, 24) ბარათაშვილი ვაზო, 25) გამყრელიძე ნოე, 26) არსენაძე ლადიმერ, 27) კობახიძე სინო, 28) საყვარელიძე სიმონ, 29) ცაბაძე დათიკო, 30) აბულაძე გრიშა, 31) ასათიანი გრიგოლ, 32) ნიქატაძე რაქდენ, 33) შეყილაძე გიორგი, 34) ხვედელიძე გიორგი, 35) მაჩიტაძე გიორგი, 36) გაბუნია დარისპან, 37) მიქაბერიძე დომენტი, 38) სამხარაძე ნიტუშ, 39) აბესაძე მიხა, 40) სალარიძე ისაკი, 41) მოდებაძე დიანოს, 42) და 43) ძმები ვაშაძეები: ლადო სოც.-რევ. იონა უპარტიო. უპარტიონი: 44) ჭიჭინაძე ლადიმერ, 45) გელაშვილი დათიკო, 46) ნაფეტვარიძე ლადო.

მ ი წ ი მ უ შ ე ბ ი. ს.-დემოკრატები: 47) მიქაძე პოლიკარტე, 48) ხელაძე გიორგი, 49) ჭიჭინაძე გრიგოლ, 50) მიხელიძე მიხეილ, 51) ვარდოსანიძე მოსე, 52) ბრეგვაძე მაქსიმე, 53) გაფრინდაშვილი შალიკო. უპარტიონი: 54) ლილუაშვილი ლადიმერ, 55) დათიაშვილი ლადიმერ, 56) მიქაბერიძე კოწია, 57) მიქაძე ლავრენტი, 58) კვინიხიძე ლავრენტი, 59) ცქიფურიშვილი მიხა.

მ ო წ ა ფ ე ე ბ ი და ს ტ უ დ ე ნ ტ ე ბ ი (ყველანი მშრომელთა შვილები). სოც.-დემ.: 60) სამყურაშვილი კოწია (პორფირეს შვილი), 61) სამხარაძე პარმენ, 62) ხარშილაძე ნიკო, 73) შარაშიძე ნიკო, 64) სარალიძე კოლია, 65) ფხალაძე ვანო, 66) ჯაჯანიძე მიშა, 67) ჯაფარიძე თენგიზ, 68) კოკაიშვილი ჭუკია, 69) ლოსაბერიძე რაქდენ, 70) კეკელიძე გრიშა. სოც.-ფედ.: 71) იაშვილი ჭუნია.

მ ა ს წ ა ვ ლ ე ბ ლ ე ბ ი. სოც.-დემოკრატები: 72) და 73) ძმები მაქარაშვილები სერაპიონ და ვალიკო, 74) მაქარაშვილი ალექსანდრე, 75) უგლავა კონსტანტინე, 76) კაკაბაძე ბესარიონ, 77) გორდაძე სიმონ, 78) ბოჭორიშვილი ტერენტი. უპარტიო: 79) აბაშიძე ვანო.

და წ ე ს ე ბ უ ლ ე ბ ა თ ა მ ო ს ა მ ს ა ხ უ რ ე ნ ი. ს.-დემ.: 80) მელიქოვი ბიქტორ, 81) ჩხენკელი ვანო, 82) ჯორბენაძე ვალოდია, 83) წერეთელი ნიკუშა, 84) იოსელიანი გოლა, 85) ჯუღელი შალიკო, 86) რობაქიძე გიორგი. სოც.-ფედერალისტი: 87) მასხარაშვილი ლავრენტი. უპარტიონი: 88) წერეთელი გიორგი, 89) მოდებაძე კიმოთე, 90) ხვედელიძე ლავრენტი.

ს ა მ ხ ე დ რ ო პ ი რ ნ ი. 91) წერეთელი ეკო, ერ.-დემ., 92) მიქაშვიძე ვალერიან, სოც.-ფედ., 93) ბურჯანაძე ლადო, სოც.-დემ., 94) მოდებაძე ნიკო, უპარტიო.

მ რ ე წ ე ლ ე ბ ი. ეროვ.-დემოკ.: 96) წერეთელი ნესტორ, 97) წერეთელი სანდრო. მემარცხნე ს.-რევ.: 98) გაფრინდაშვილი ალექსანდრე.

ვილიკო ჩუბინიძე.

და მ ი ე უ კ ი დ ე ბ ლ ო ბ ი ს ხ ა დ ა რ ა ჯ ო ლ ზ ე.

(ძმები დოსიფე და ამბროსი გაჩეჩილაძეები)

დღესაც არ არის გარკვეული და აღრიცხული 1924 წლის აგვისტო-სექტემბრის ყველა წამებულთა ვინაობა და რაოდენობა. სულ ახლახან მოაღწია ჩვენამდე ცნობა ძმათა გაჩიჩილაძეების დახვრეტის შესახებ.

უფროსი მათგანი, დოსიფე, მიუხედავად მისი ახალგაზრდობისა, იყო საკმაოდ ცნობილი სინდკალურ მოღვაწე და საპატიო ადგილი ეჭირა მუშათა პროფ. მოძრაობის ხელმძღვანელთა შორის. რესპუბლიკის ფოსტა-ტელეგრაფის მუშა-მოსამსახურეთა კავშირის თავმჯდომარე, ის წევრი იყო საქ. კავშირთა ცენტრის აღმასრულებელი კომიტეტისა. ოკუპაციის შემდეგ შემოდიოდა კავშირთა არალეგალურ ცენტრში და იყო მისი აქტიური და ენერგიული მუშაკი. მისი ერთადერთი აკონტრევალუცი-

ონური დანაშაულობა» იყო მისი თავდადებული მოღვაწეობა მუშა-მოსამსახურეთა ინტერესების დაცვისათვის. უმწიკვლო და უანგარო სამსახური მუშათა კლასის საქმისა.

მუშა-მოსამსახურეთა პატივისცემა, უზომო სიყვარული და კარგი სახელი დაიმსახურა მან დაუღალავი და ენერგიული მუშაობით, რასაც ცოდნაც ხელს უწყობდა. მისი სიღინჯე, საღი აზროვნება და შორსმჭვრეტელობა იყო მიზეზი მისი ესოდენ დაწინაურებისა.

ორივე კარგი მოლაპარაკე იყო, მას ყოველთვის სიამოვნებით და პატივისცემით უსმენდნენ. განსაკუთრებით პატივისცემდნენ მას ყველა მოაზრობილი ელემენტები ფედერალისტური, ს. რ. და სხ. ის კარგად გრძნობდა; რომ ვიწრო პარტიულობა მის პოსტზე არ გამოდგებოდა და ყოველთვის მიუდგომლობას და ყურადღებას იჩენდა მოწინააღმდეგეთა მიმართ.

ყველამ იცის, რა სამსახური გაუწია ნორჩ რესპუბლიკას ფოსტა-ტელეგრაფის კავშირმა, რომელსაც დოსიფე ხელმძღვანელობდა. კომუნისტებმა ბევრი ტყვია-წამალი დახარჯეს ამ კავშირის ხელში ჩასაგდებათ, მაგრამ დიდხანს ვერაფერს გახდნენ: არ უშველა მათ არც ჩეკამ და არც კომსომოლმა, მათ მიერ მოწვეულ ყრილობაზე უმრავლესობა მათი შეურიგებელი მოწინააღმდეგე აღმოჩნდა. ყრილობაზე წაითხულ იქნა შესანიშნავი დელორაკია, რომელიც ოკუპაციის მოხსნას მოითხოვდა. ამის შემდეგ კომუნისტებმა გააორკეცეს რეპრესიები კავშირის გასანადგურებლათ.

როდესაც მათ პირველი ეგრეთწოდებული «თავისუფალი» ყრილობა მოიწვიეს, რომელზედაც ძველ მოღვაწეთაგანი აღარავინ გააჰაჰანეს, დოსოფემ შესძლო მანდატის მიღება და გააკეთა ყრილობაზე ისტორიული გამოსვლა. მან კრიტიკის ქარცეცხლში გაატარა მტრის საქმიანობა. კომუნისტების აღშფოთებას აღარ ქონდა საზღვარი. ყველანაირი მოვლოდენ დოსიფეს იქვე დაპატიმრებას, მაგრამ რალაც მანქანით ეს არ მოხდა. სამაგიეროთ ტრიბუნაზე ავლენ მის საპასუხოთ თვით სერგო ორჯონიკიძე და შემდეგ ბოლშევიკების ოქროპირი კიროვი. უკანასკნელმა თავი ველარ შეიკავა და განცვიფრება გამოსთქვა, რომ ასეთი აშკარა მენშევიკი და კონტრრევოლუციონერი კიდევ თავისუფლათ დადის.

ამ გამოსვლამ გადასწყვიტა დოსიფეს ბედი, ის გააგზავნეს სადღაც მიყრუებულ სოფელში კანტორის გამგეთ. აჯანყების დღეებში ალბათ შეიპყრეს და გაუგმირეს მედგარი და შეუპოვარი გული. მას დარჩა წვრილი ცოლშვილი უპატრონოთ და უყურადღებოთ...

დოსიფე დაიბადა სოფ. გუნდაეთში (შორაპნის მაზრა), სწავლა მიიღო ქიათურის სამოქალაქო სასწავლებელში. იქაური მუშათა მოძრაობის ზედგაყენით ის მალე გასოციალდემოკრტდა და დაიწყო პარტიამში მუშაობა.

მისი უმცროსი ძმა ამბროსი, ხელობით აგრონომი, მსახურობდა თელავში. ის მე გავიციანი მეტეხის ციხეში, სადაც ჩვენ ათი თვე ერთათ ვიყავით. მშვიდი, წყნარი, ის მეტათ ნაზი გულის ჭაბუკი იყო. მას ალბათ თფილისში მოუღეს ბოლო...

ამ ორი ძმის სახით ერმა დაჰკარგა თავისუფლების და დამოუკიდებლობის სპეტაკი და ენერგიული დარაჯები.

მ. აბე-ი.

ძვირფას მკვლევარს ხსოვნას

(ნიკო ხარშილადე)

სამი წლის თავზე კი უნდა გამოვეთხოვოთ ტკბილ ზღაპარს და ვიწამოთ მწარე სინამდვილე... უნდა ვიწამოთ, რომ ზესტაფონის რკინის გზის სადგურის გადაღმა მდგარ დახურულ ვაგონზე დაშენილმა ტყვიამ ნიკოს მგზნებარე გულს სასიკვდილო ამბორი შესთავაზა... არ იყო სურვილი ამის დაჯერებისა და გრძნობა ზღაპარს ელამუნებოდა.—ზღაპარს, რომ ნიკო არ მომკვდარა, რომ ის შემთხვევით გადარჩა...

ოცნებათ ქვეული ნიკოს სახე ველარ ვიხილეთ და მის გადარჩენის ამბავს შავი ზეწარი გადაეფარა... და დაგვრჩა მხოლოდ მოგონება მასზე, ვინც ათასეული დღეების მანძილზე ჩვენთან ერთად შეუხვეწებელი ზიდა მძიმე ჯვარი მოვალეობისა, რომელიც

ჩვენი ერის ისტორიის ჩარხის უკუღმა ტრიალმა დააკისრა ქართველ ახალგაზრდობის ავანგარდს, ახ.-გაზ. მარქსისტთა ორგანიზაციას...

ჩვენთან ერთად და ჩვენზე მეტი სიამაყითა და მსნეობით... ჩვენი ნიკო. მუდამ ჩვენთან მყოფი კენტათ დარჩა როცა 1923 წლის დასასრულს ჩვენ დაგვაპატიმრეს. და გაათქვეცბულ მოვალეობას ის გაასკეცებული ენერგიით უპასუხებდა. ის იყო ფაქტიური ხელმძღვანელი ამ დროს შორაპნის მაზრის ახალგაზრდათა მოძრაობის...

ბედის დაცინვით ის კენტათვე დააპატიმრეს, როცა ჩვენ უკვე თავისუფალი ვიყავით.

ექვსი თვის დასასრულს ქუთაისისის საგუბერნიო ჩეკიდან განთავისუფლებულ ნაწამებ ნიკოს შევხვდით... ჩონჩხათ ქცეული ლანდასა ჰგავდა. მაცვალივით შავი უღვაშები მოზრდოდა და ბროლივით თეთრ კბილებს უნებურათ აჩნდა ჩვენი ნახვით გახარებული. მისი თხოვა არ შევიწყნარეთ, შევბუღება მივეცი და სოფელში დასასვენებლათ ვავხვანეთ...

ნიკო არაოდეს გვაპატიებეს: ბრძოლის სამზადისი გამოვაპარეთ და აგვისტოს დღეებისათვის ქუთათრაში არ დავიბარეთ. მოვერიდეთ ახლად ციხიდან დაბრუნებულს. ამპარტავანმა მებრძოლმა ასეთ ჩვენ კადნიერებას მით უპასუხა, რომ გაიგო თუ არა შემთხვევით მომავალ ბრძოლის ამბავი, ქუთათურის მაგიერ საჩხერეში გაჩნდა... საჩხერის დაცემის უკანასკნელ წუთამდე ნიკო თავის პოსტს არ მოხსნია. გასაოცარი სიმამაცით იბრძოდა და ქუთათურის დაცემის შემდეგ ხშირათ თქვენ ბედზე კითხულობდა... ასე გადმოგვცემს მისი მნახველი.

მუდამ ჩვენზე მზრუნველმა საკუთარი თავისთვის არ იზრუნა. მოვალეობისა და პასუხისმგებლობის უბადლო მორჩილი ის ვერაგ მტერს ხელში ჩაუვარდა... და ლაჩრებმა გმირი ლაჩრული ზომით მოჰკლეს, მშფოთარე ნიკოს ხელები გაუკრეს და ჩვენ «ნიკიერ» კოლიასან (სარალიძე), «უკუიან» პარმენთან (სამზარაძე), «გიე-ქაძე» აკაკისთან (ლოლაძე) და სხვა მრავალ ძვირფას მეგობარ-ნაცნობებთან საბედისწერო ვაგონში ჩამწყვდეული ტყვეის ფრქვევლით მოჰკლეს...

ნიკოს მოსიყვარულე გული არ გვისაყიდურებს, რომ ამ დროს ჩვენც მასთან არ ვიყავით. მაგრამ ჩვენ მის წინაშე სხვაფრივ გვაწევს მძიმე პასუხისმგებლობა: არა სურისძიება—ეს ნიკოს რაინდულ სულს არ შეშვენის,—არამედ ბრძოლა სრულ გამარჯვებამდე იმ წმიდა საქმისათვის, რომლის ცხოველმყოფელობაზე ხუთი ათასი საფლავი მეტყველებს. ნიკოს ხანმოკლე ცხოვრების ლამაზი გზა ჩვენი გზის მანათობელი ლამპარი იქნება ამ ბრძოლაში.

იყავ დამშვიდებით, ძვირფასო მეგობარო! ჩვენ მზათა ვართ შეუდრეკლათ ვიაროთ შენს მიერ ნაჩვენები გზით და როცა დადგება ქამი ჩვენი აჩრდილების ერთად შეყრისა, შენ არ შეგარცხვება ჩვენი წრსულის და უწინდებურათ შემოგვეგებები როგორც სწორი სწორათ.

მეგობრები: ვახო, ხიმინ, გრიმა.

ჩეკა და პოლიტიკური სამართველო.

(წერილი საქართველოდან)

ხუთ ნახევარი წლის მძინვარების შემდეგ გასისხლიანებულმა მტარვალმა სისხლით დაცილილ ერს თითქოს ლმობიერების თვალით გადმოხედა. ჩეკა გააუქმა და პოლიტიკური სამართველო შემოიღო.

ჩეკა! ეს ისეთი ველურობისა და სადისტობის სამარცხნო ლაქა თვით ბოლშევიკების რეპრეზენტორ მოღვაწეობის ბნელ ფონზედაც კი, რომ მას დრო ვერ წამლის და ის მთელი თავისი სიცოველითა და საშინელებით დაუდგება წინ მომავალ თაობებს.

თითქო ჩეკა კონტრევოლიუციასთან ბრძოლის მიხნით იყო დაარსებული; მაგრამ რევოლიუციათა ისტორია არ იცნობს მსგავს რაიმეს. მართალია, რევოლიუციური ხელისუფლება ხშირათ მიმართავდა რეპრესიებს რევოლიუციის მტერთა წინაღმდეგ, მაგრამ ასეთი რეპრესიები აშკარათ და საჯაროთ ხდებოდა. სასტიკი და დაუნდობელი იყო რევოლუციური ტრიბუნალი საფრანგეთში. მაგრამ ის თავის სისასტი-

კეს არ ფარავდა, მას არავისი ეწინოდა. ხალხის თანაგრძობაზე დაყრდნობილი, ის ხალხის მოწინააღმდეგეთ აშკარა და გაბედულ ბრძოლას აძლევდა.

სულ სხვა მდგომარეობა იყო რუსეთში. აქ საგანგებო კომისია არ ყოფილა რევოლუციის გამამტკიცებელი ორგანო. პირიქით, ის მისი დამარცხების ორგანო იყო. თებერვლის რევოლუციის მესაფლავეებს თავიანთი ბატონობის გასახანგრძლივებლათ უნდა შეექმნათ გავლანარ რეპრესიების გამჩაღებელი ორგანიზაცია და შექმნეს ჩეკა. მოულოდნელი გამარჯვებით თავბრუდამხვეულ ავანტიურისტებს უნდა გამოეგონათ ხალხის დამმონებელი ორგანო და გამოეგონეს საგანგებო კომისია. მეფდება საშინელი ტერორი: ჩეკა ჯალათ ძერქინსკის მეთაურობით ასობით და ათასობით ხვრეტს ხალხს. ხვრეტს საქმის გაურჩევლათ, ბრალდების წაუყენებლათ. გაუსმართლებლათ, ხშირათ დაუკითხავათ, მოუსმენლათ.

საქართველოს საგანგებო კომისია ხომ კიდევ უარესი უნდა ყოფილიყო. მოსკოვის აგენტები ჩვენი ქვეყნის დაპყრობიდანვე გრძობდნენ, რომ მათ ქვეშ ნიადაგი ირყეოდა, რომ ისინი მხოლოდ დროებით მიხელებულ ვულკანის პირას ისხდნენ. და განა შეიძლებოდა სხვანაირათ მომხდარიყო აქ, საქართველოში, სადაც მათ ხვდებოდა მთლიანი რევოლუციური ქართველი ხალხი და ათეული წლობით მედგარ ბრძოლებში ნაწრთობი სოციალდემოკრატია. ამიტომაც მათ აქ კიდევ მეტის სისასტიკით უნდა აემოქმედებიათ თავიანთი ბატონობის განმამტკიცებელი ორგანიზაცია. და მართლაც საქ. საგანგებო კომ. სისხლიანმა მოღვაწეობამ ყოველგვარ მოლოდინს გადააქარბა.

საქართველოს დაპყრობის შემდეგ რუსეთში უქმდება საგანგებო კომისია და ტფილისის ჩეკაში იკრიბებიან რუსეთის სივრცეებიდან გადმოხვეწილი სისხლმწყურვალე ჯალათები საქართველო ხდება მათ საზარელ ბოროტ მოქმედებათა მთავარი არე.

და აი ვხლა თითქოს ფორმალურად მაინც საქართველოშიაც გააუქმეს ჩეკა. ჩვენ გვინდა ავლნიწნოთ ამ წყევლითა და კრულევითა მოსაგონარ დაწესებულების გაუქმება. ჩვენ, რა თქმა უნდა, ვერ შევსძლებთ მისი მოღვაწეობის სრულ დახასიათებას: დღევანდელ პირობებში ეს მიუწოდებელია. ჩვენ გვინდა მხოლოდ ზოგადათ გადავაგლოთ თვალი მის სისხლიან საქმიანობას საქართველოში და მის გამანადგურებელ მოღვაწეობიდან აღვადგინოთ მხოლოდ მთავარი მომენტები.

1921 წელი.

საქართველოს ვერაგულათ დაპყრობამ მოსკოველთ მიერ ერთი და მისი დამპყრობნი თავიდანვე ორ მტრულ, შეუთრეგებელ ბანაკებში მოაქცია, მათ შორის უფსკრული გაავლო, ისინი სამკედრო-სასიცოცხლოთ ერთმანეთს დაუპირდაპირა. ასეთ მტრობისა და დაპირდაპირების პირობებში ისახება და იწყება მუშაობას საქართველოს საგანგებო კომისია, რომლის პირობის დანიშნულებაა საქართველოს დამოუკიდებლობის ნიადაგზე მდგომ პოლიტიკურ პარტიების განადგურება საქართველი ხალხის მოსკოვისათვის დამორჩილება. ასეთ ბნელ მიზნებისათვის დამპყრობთ იდეური ბრძოლის ფარხმალი არ გამოადგებოდათ. ისინი იდეურათ წინ ვერ აღუდგებოდნენ სოციალდემოკრატისას, რომლისაგან არა ერთი და ორი დამარცხება განუცდიათ წარსულში. და იდეურ ბრძოლის ადგილს იჭერს საგანგებო კომისია.

ქუთაისში პროვოკაციულ ბომბის გასროლით, შანტაჟისტ გეგეჭკორზე თავდასხმის სიმულაციის მოწვევებით—ჩეკას ერთბაში იერიშები მიაქვს სოციალდემოკრატისაზე. ხდება მთელს საქართველოში პარტიის წევრთა და ხელმძღვანელთა დაპატიმრება. ამის შემდეგ თფილისში ჩამოდის სტალინი. საქართველოს პროლეტარიატის მიერ თავიდანვე უარყოფილი და გარიყული ეს გაიძვერა ინტრიგანი ბედავს თფილისის მუშათა კლასის წინაშე საჯარო მოხსენების გაკეთებას. წინააღმდეგობას უჩვევი დიქტატორი ნაძალადეგოშიც მონურ შეხვედრას მოელის, მგრამ სტყუარდება: მუშებით სავეთ თეატრის დარბაზი მას ლაპარაკის საშვალეებას არ აძლევს, ტრიბუნაზე გამოსულ სოციალ-დემოკრატ ორატორებს ოვაციებს უმართავს და კრება იღებს გრანდიოზულ საპროტესტო დემონსტრაციის სახეს. ჩეკას საქმე უჩნდება. თავისუფლათ დარჩენილ ცოტათ თუ ბევრათ თვალსაჩინო მოღვაწეთ პარტიისას აპატიმრებენ. რკინისგზის დეპო-სახელოსნოებიდან და ტრამვიდან მოწინავე მუშებს ხსნიან და ციხეებში ჰყრიან... ამის შემდეგ, ნაგებერში, ტფილისის პროლეტარიატი თავის წრიდან ირ-

ჩვეს ხელისუფლებასთან წარსაგზავნათ მუშათა დელეგაციას.—დელეგაცია არჩეულია ყველა უბნებიდან და მას რევოლუციურ მუშათა კლასის მიერ დავალებული აქვს საქართველოს მშრომელთა ნების ყოფა აცნობოს საოკუპაციო მთავრობას. მაგრამ მიღებისა და მოსმენის ნაცვლათ. «ბუდუ ბღღინაძე» დელეგაციას ჩეკაში უკრავს თავს. ჩეკას ახალ დირექტივებს აძლევენ სოციალდემოკრატიის წინააღმდეგ დაუზოგველ რეპრესიების გაჩაღების შესახებ. ჩვენი პარტიიდან მალე სხვა პარტიებზე და უპარტიო მოქალაქეებზე გადადიან. მთელი ქართველი ერი ეჭვის ქვეშაა დაყენებული, კანონს გარეშეა გამოცხადებული. ასობით და ათასობით ადგილებიდან ხსნიან და ქუჩებში ერეკებიან ქართველ მუშა-მოსამსახურეებს. ბევრი რჩეული მოღვაწისა და მათ შორის ჩვენი სპეტაკი პარტიის სათუთი ბუნება ვერ იტანს ტუსადის მძიმე რეჟიმს და ის საპრობილეში ათავებს მდიდარ შინაარსიან სიცოცხლის დღეებს... ციხეები აივსო ხალხით, მაგრამ ჩეკას ეს არ ყოფნის. იწყება თითო-ორიოლა მებრძოლთა ხვრეტა: ხვრეტენ პოლკოვნიკ ლეჟინსაძეს, ფაუნინიშვილს და სხვებს საქართველოს დამოუკიდებლობის დროს ბლომწვევებით წოდებულ ბანდიტთა ბრბოების წინააღმდეგ მოქმედებისათვის. ჩეკა წუთისოფელს ასალმებს შეუპოვარ მხედარს მარკოზაშვილს, ქუთაისში ხვრეტს მასწავლებელ სოციალდემოკრატ ტრაპაიძეს, სახალხო გვარდიელთ ჭანიშვილს, გიგინიშვილს და სხვებს.

1922 წელი.

გლოვით იწყება ეს წელწადი. შავი თებერვალი კიდევ უფრო მწუხრდება საყვარელი ლეო ნათაძის და ძვირფასი სიღვას დაკარგვით. სოციალდემოკრატიულ პარტიის სინიღისათ და პატიოსნებათ ცნობილი სიღვა, ჩეკასა და საპრობილეში ჯდომით დაავათმყოფებული, 17 თებერვალს განუტევებს სულს არალეგალურ ბინაზე, დევნილი, ცოლშვილს მოწყვეტილი... ჩვენი იმედი, ჩვენი გამამხნეველები სიღვა ჩეკის მსხვერპლი ხდება და ამ საშიზღარ ორგანოს ბინძური ხელები ეხება მსოცვანი წინამძღოლის უწმინდეს ნეშისაც. ჩეკა კუბოში ჩასვენებულ სიღვას ძალით იტაცებს, მალულათ ასაფლავებს და სამარეს დარაჯებს უყენებს... სოციალდემოკრატიას იმის საშვალებასაც კი არ აძლევს უღმობელი მტერი, რომ მოინახულოს და დაიტიროს ძვირფასი საფლავი. სილიბისტროს გარდაცვალების წინა დღეებში, 11 თებერვალს, რუს ურდოთა შემოსევის წლის თავზე მთელ საქართველოში იმართება მოსწავლე ახალგაზღობის სამგლოვიარო და საპროტესტო დემონსტრაციები. ჩეკისტთა ბრბოები ყველგან შეუბრალებლათ და უხეშათ უსწორდებიან ნორჩ თაობას. იხმარიებენ ცეცხლის შტრობელთა რაზმებს, რევოლვერებსა და თოფებსაც კი მიმართავენ. ლანჩხუთში მოჰკლეს კიდევ ერთი. თფილისში ველური ჩეკისტები მოსწავლე ქალებსაც კი თმებით ათრევდენ რუსთველის გამზირზე... სამი თვის შემდეგ.—24. 25—26 მაისს—საქართველოს დამოუკიდებლობის უკვდავ დღეს—ეწყობა მასიური პოლიტიკური გაფიცვები და დემონსტრაციები. შეიარაღებულ ჩეკისტებსა და უიარაღო დემონსტრანტებს შორის ალაგანს შეტაკებები ხდება. თფილისში, შორაპანში დემონსტრაციებს ტყვიებით უმანსპინძლდებიენ, ხლოა გურიისში მიტინგს ბომბებს ესვრიან. კვდება რამდენიმე კაცი და იჭრება ორმოცამდე. ამასთან ერთათ ხდება მასიური დაპატიმრება. საქართველოს ციხეები კვლავ ივსება ქართველი ხალხით. პატიმართა მრავალრიცხოვანი ჯგუფები იგზავნიებიან გერმანიაში, რუსეთის საკატორღო ციხეებში, შუა აზიის უსიცოცხლო მიდამოებში... ამ წლის სექტემბერში, მტერი დამსჯელ რაზმებს უსევს დუშეთის მაზრის მოსახლეობას, ხლოა ხევსურეთს მიწასთან ასწორებს. მთელი წლის განმავლობაში აუტანელი რეპრესიები მქონებარებს მთელ კახეთში. სიღნაღის მაზრის სოფელ ჯუგანში ერთ გლეხს გელაშვილს რუსი წითელი არმიელები სცარცვავენ, ცოლშვილიანთ ქლეტენ, ერთი ოჯახიდან გააქვთ 17 კუბო...

ამვე წელში ოზურგეთის ჩეკის თავმჯდომარე თავისი ხელით ხვრეტს ათ პოლიტიკურ პატიმარს, მათ შორის 1903 წლიდან ს.-დ. პარტიის წევრს, მამულაიშვილს.

1923 წელი.

დამპრობელთა სისხლიანი ბუნება თანდათან აშკარავდება. საქართველოს რევოლუციურ კერას—გურიას აწიოკებენ. გაყაჩაღებულ ბლომწვევი მანჭკავას რაზმის წი-

ნააღმდეგ გაგზავნილი ჯარი ცნობილ ობოლადის მეთაურობით ღვთის რისხვით ევლინება გურიის მშვიდობიან მოსახლეობას. ტყვეებში გაპრილ ყაჩაღებთან უძლეური ობოლადე შურს იძიებს ბინადარ. მშრომელ გურიაზე. ეს ჯალათი ხერცეს გლეხებს და მათ გასისხლანებულ გვამებს ყვავ-ყორნების და ძალღების საჯიჯგნათ ჰყრის თვალსაჩინო—ოზურაგეთის შემავალ გზებზე, რათა ასეთი გულშემშარავი სურათით ტერორის ქვეშ დაეგვოს მოსახლეობა... ობოლადე სხვა მრავალთა შორის ასწავას მანწკავას ძმის—ვისილის სახლს და ეს გულქვა სადისტი თავის ზელით ცეცხლის ალში ავდებს და ცოცხლათ სწავას სახლის პატრონის 12 წლის ვაჟს. ამ ბარბაროსს, ამ თავშეუყავებელ მხეცს გასაკვები მიზნებით ჰკლავს მანწკავას ნათესავი და პირადი მეგობარი. და ეს ხდება საბაბათ კიდევ უარესი რუპრესიებისა. მკვლელობის დღიდან იწყებენ ოზურგეთში უდანაშაულო ხალხის მასიურათ ხერცებას. ტფილისის ციხეებიდან გაყავთ და წუთისოფელს ასალმებენ 92 მოქალაქეს, მათ შორის ცნობილ პოლიტიკურ და საზოგადო მოღვაწეებს: კოლაბერატორ, ძველ ს. დ. ხუბუნიაშვილს, ყოფილ ელჩს საქართველოისა უკრაინაში ვაჩივიშვილს ს. დ. 1903 წლიდან. თარგამაძეს—ლანჩხუთის გიშნაჩიის დირექტორს და სხვებს. გურიაში ინიშნება საგანგებო ხუთეული, დამსჯელ ჯარებს ემატება ახალი ჯარები ახალ ჯალათ ტალახაძის ხელმძღვანელობით და გრძელდება სისლის ღვრა... დახერცებასა და დაწვას გადარჩენილ გლეხობას ადებენ აუტანელ გადასახადს და ამ რიგათ სრულიათ ანადგურებენ თავისუფლებისა და სამშობლოს მოყვარულ რევოლუციურ გურიას.

მოძალადეები გრძობენ ატმოსფერის თანდათან შეხუთვის, და მოსალოდნელ ეროვნულ აჯანყების უხელმძღვანელოთ დატოვების მიზნით ჩვენი ქვეყნის ჯალათები ჯალათურათ უსწორდებიან ქართველი ერის სამხედრო მეთაურებს. გარდა ორიოდ გენერლისა, — რომლებმაც თავისი შემდეგი მოძალატური მოღვაწეობით მეტათ საეჭვოთ გახადეს ჩვეის კლანჭებიდან თავის დახსნის ბნელით მოცული ფაქტი.—საუკეთესო სარდლებს და გამორჩენილ მოღვაწეთ ზელიდან გვაკლიან; საერთო პატივისცემა და ნდობა დამსახურებული. დიდი პატიოტი კოტე აბხაზი, ყველას მიერ პატივცემული ვარდენ წულუკიძე, ანდრონიკაშვილი, მუსხელიშვილი, სამაგალითო და საყვარელი ოფიცერი ხიმშიაშვილი, მუხრანსკი და სხვები.

ამვე წელში ჩეკა ატარებს ე. წ. სოც. დემ. პარტიის სალიკვიდაციო კამპანიას. ეს მუშაობა გურიაში იწყება. ციხეებში ჩაყრილ და დამსჯელი რაზმების მიერ შემორკალულ სოფლებში მცხოვრებ გლეხთა განთავისუფლების და ცოცხლათ დატოვების პირობათ აღიარებულ იქნა ჩვეის მიერ წინასწარ შეთხზულ სამოცხვინო განცხადებაზე ხელისმორწრა—სოც. დემ. პარტიიდან გამოსვლის შესახებ. და მართლაც ფიზიკური მოსპობის წინაშე დამდგარი გლეხი ხშირად თანხმდებოდა მოეწერა ხელი ასეთი ტექსტისათვის, მით უმეტეს, რამ მას არავინ ეკითხებოდა იყო თუ არა ის პარტიის წევრი. ქვეყნდება პრესაში რამდენიმე სია პარტიიდან გასულებისა. ჩეკა ასეთ მუშაობას სხვა მზარებშიაც და ქალაქებშიაც აწარმოებს. თითო-ორლად პარტიის სულმდებალი წევრი და უმთავრესათ კი უპარტიო მასა «სტოვებენ» ს. დ. რიგებს. იქმნება პირობები სალიკვიდაციო ფარსის გათამაშებისათვის. საპირო გმირი და გმირებიც ჩნდებიან ფარნივის, რუხაძის და სხვათა სახით. ატარებენ «სალიკვიდაციო კონფერენციებს», «12 თასი» დამფრთხალი ობივტელის სახელით დაშლილათ აცხადებენ სოციალდემოკრატიას! მაგრამ ს. დ. რიგები მაინც მტკიცეა; ფარნივის «პლატფორმაზე დამდგარი» პარტიის ნამდვილი წევრები მონაჩიების განცხადებით აწვევიან პარტიის კვლევებს და ჩვენს რიგებში ჩადგომას მოითხოვენ... ბევრს ამ ხელმომრთავანს ახალდებენ, ბევრს ხერცებენ, ბევრს საპყრობილეში ყრიან. მეურნე-გლეხი მურვანიშვილი, რომელმაც გაბედა და სალიკვიდაციო კონფერენციაზე განაცხადა, რომ ის აიძულეს მონაწილეობა მიეღო ამ მუშაობაში და რომ ადგილობრივი კონფერენციები ძალდატანების ქვეშ სდებოდა, იმსხვერპლა მის გულწრფელობამ და სიმართლის სიყვარულმა. მურვანიშვილს იბარებს თავის კაბინეთში მოსკოვის აგენტ ტორახელაშვილი და წინადადებას აძლევს პარტიისან გლეხს გამოვიდეს პრესაში განცხადებით, რომ ის მოსყიდული იყო არალეგალურ მენშევიკურ ცეკას მიერ და მისივე ვადალებით გამოდიოდა «სალიკვიდაციო ყრილობაზე»; და რადგან ასეთი საწინდარი წინადადება არ ეკარება მურვანიშვილის სპეტაკსა და შეუბღალავ ბუნებას, მას საგანგებო კომისია აპატიმრებს, ტანს ხდის და ტილოს ტომრებში გახვეულს რამდენიმე თვის განმავლობაში აწამებს საყინულეებში. ხლო შემდეგ—ავვისტოს დღეებში—სხვა მრავალ

მამულიშვილთან ერთად მას ბოლოს უღებს. მურვანიშვილი ერთი იმ მრავალთაგანი იყო, რომელთაც ჩვენი პარტიიდან გასულათ თვლიდა მტერი. პარტია, ჩეკის სიტყვით, აღარ არსებობდა და აი, ამ «არ არსებულ» პარტიის ხელმეორე «ლიკვიდაციის» საქმეობებას უტიფრათ აღიარებს ჩეკა აგვისტოს ამბოხების შემდეგ.

ასეთივე ფარსი გათამაშდა ახალგაზდა მარქსისტთა მიმართაც. ჩეკამ აქაც იშოვა ორიოდე ვერცხლის მოყვარული პირი და 1923 წ. შემოდგომაზე ახალგაზდა მარქსისტთა ორგანიზაცია «ერთხელ და სამუდამოდ დამოკლათ» გამოცხადდა.

მაგრამ მსგავსი «ლიკვიდატორული მოძრაობა» ფართე მასებში მხოლოდ ზიზღს იწვევდა, ხოლო თითოერთი მოსყიდულ რენეგატების ნაცვლათ ათეულ და ასეულ ახალ მუშებს პარტიის რიგებში აყენებდა.

1924 წელი.

ყველაზე საშინელი, ყველაზე მტკივნეული წელი... სამანხევარი წლის წამებით მოთმინებიდან გამოსული ერი იარაღით ხელში გამოდის მოსისხლე მტრის დასამხობათ. მაგრამ თავისუფლების მოყვარული ხალხი მარცხდება ფიზიკურათ ძლიერ მოწინააღმდეგესთან შეტაკებაში. და 30 აგვისტოდან, იმ დღიდან, რომლიდანაც ბრძოლის სასწორმა დამპყრობელთა სასარგებლოდ დაიწყო გადახრა,—გულგასული და ვაბორუტებული მტარვალი იწყებს უსასტიკეს შურისძიებას.

30-31 აგვისტო... 1, 2, 3, 4 სექტემბერი საშინელი სისხლიანი დღეები... დახვრეტილთა პირველი, მეორე, მესამე, მეოთხე და მეხუთე ათასეული... დღისით ჩეკის სარდაფებს ავსებენ ციხეებიდან გადაყვანილ პატიმრებით, ქუჩებში და ბინებზე ახლად დატყვევებულ უდანაშაულო მოქალაქეებით. დამ-დამობით კი სერგიევის და პეტრე დიდის ქუჩებიდან სამი მიმართულებით ეზიდებიან საბარგო ავტომობილები ხელფეხ გაკრულ მამულიშვილთა ჯგუფებს. საბურთალოს, ორთაქალის და კოჯორის მხარეზე მათ მოვლის უწინააღმდეგურად გათხრილი წმინდა და სამაო საფლავები... ძვირფასი საფლავები, რომელთაც დღემდე დაეძებს ქართველი ერი... შეუსვენებლათ მოქმედებენ «ზაკეკისა» და «გრუზჩეკის» ჯალათები. .ე. წ. «დეტენეკაც» ხომ სისხლში სცურავს ამ დღეებში: რკინის გზის საგანგებო კომისია დამოუკიდებლათ მოქმედობს და მასიურათ ხვრეტს როგორც თფილისში, ისე ხაზზე დაპატიმრებულთა ჯგუფებს... კიდევ უარესი ამბები ხდება პროვინციებში. შეამბოხეთა სახლკარის გადაწვა-გადაბუგვასთან ერთად უპატირობათ მიტოვებულ ცოლ-შვილთა მიმართ წარმოუდგენელ ძალმომრეობას იჩენენ, ხალხს განუკითხავათ და დაუნდობლათ ხვრეტენ. ჭიათურისა და საჩხერის მიდამოებში დაპატიმრებულ მოქალაქეებით სავსე სამს «ტუპლუშკა» ვაგონებს ზესტაფონსკის შუა ტყვიის მფრქვეველებს უშენენ და ყველას ერთიანათ ქლევტენ... რესპუბლიკის ყველა ციხეებიდან გაჰყავთ ადრევე პატიმრობაში მყოფთა თუ ახლად დატყვევებულთა ათეულები... ბათუმისა და ფოთის, სენაკისა და ზუგდიდის, ოზურგეთისა და ქუთაისის, შორაპნისა და გორის, სიღნაღისა და თელავის, დუშეთისა და ბრძანალოს ციხეებიდან მამულიშვილთა წყებები მიემართებიან დამოუკიდებლობის სამსხვერპლსაკენ...

ჯალათთა სისხლიანი ხელი სწვდება შორეულ ჩრდილოეთის სუზდალის ციხეში მჯდომთ ხომერკის, ჩხიკვიშვილს, ფლავას, ნოდისა. წინამძღვარიშვილს და ქართველ ერის საუკეთესო შვილთ სიოცხლეს უსპობს საღდად რუსეთის ტიალ ველებში... სისხლის ღვრას ბოლო არ უჩანს, ვიდრე ტყვეთ ჩავარდნილი დამოუკიდებლობის კომიტეტი, აჯანყების პოლიტიკური ხელმძღვანელი არ აკეთებს ცნობილ დეკლარაციას, რომლის მიზანი—მასიურ ხვრეტის შეჩერება—მიხწეულ იქნა.

კიდევაც რომ მომხდარიყო სასწაული და ბოლშევიკების გამანადგურებელ მუშაობას შედეგათ მოჰყოლოდა სოციალიზმის დამყარება და არა პოლიტიკური და ეკონომიური რეაქცია, სოციალიზმის ისტორია ვერ აპატივებდა მათ აგვისტოში ჩადენილ საშინელებებს, ვერ განბნდა მათ სისხლიან ხელებს... განა შესაძლოა, რომ მათ ეპატროს ამიერკავკასიის პროლეტარიატის პოლიტიკურათ შემაკავშირებლის და მისი ბრძოლის ცეცხლით აღმგზნებელის ნოეს დახვრეტა! განა შესაძლოა გამართლებულ იქმნას გურიის სახელოვან მოძრაობის სულისჩამდგმელისა და ბიარახტარის, ბენიას სასიკვდილოდ განწირვა! განა შესაძლოა დავიწყებას მივცეს სოციალისტურ და დემოკრატიულ საქართველოს დამოუკიდებლობის ფხიზელ მუშაკის და შეუდარე-

ბელ მებრძოლის ვალიკოს წუთისოფლიდან გამოსალმებმა! ან უწყინარ გაბო ცრსკვანისაშვილის, დათიკო ქარცივიძის (მეჩონგურე) ციხიდან სასაკალოზე გაყვანა! ძველი კატორღელის, ყველას მიერ საყვარელი მუშის დათიკო დვალის დახვერტა! ვასო ცაბაძის მოკვლა! იმ ცაბაძის, რომელიც ბოლშევიკების «რევმატიანეს» მოწმობითაც კი თფილისის მუშათა კლასის რევოლუციური ბრძოლებისათვის ერთ-ერთ პირველ შემკავშირებლათ ითვლებოდა! სოფლად მცხოვრებ ავთიმყოფ კატორღელის ილიკო კოპალეიშვილის ლოგინიდან აგლეჯა და მისი ტყვიით განგმირვა! ქართველი ქალის, ალათი გორდელაძის მოკვლა. მხოლოდ იმისთვის, რომ მან სინდისსა და პატიოსნებას ვერ უღალატა და თავისი სიძე—მოსისხლე მტერთაგან დევნილი იმავე აგვისტოს დღეებში დახვერტილი ძველი ს.-დ. მუშა ვიქტორ ცენტერაძე—ჩეკას არ გადასცა! ... და რამდენი უნდა ჩამოითვალეს? ოთხი, ხუთი ათასი ძვირფასი სახე!

გამარჯვებულმა და სისხლით დამთვრალმა ხელისუფლებამ მუსრი გაავლო ქართველ მოსახლეობას. ძუძუ მწოვარა ბავშვებითურთ ამოქლიტა რამდენიმე გვარეულობა—ფანიაშვილები, კლიმიანშვილები და მამაცაშვილები სოფელ რუისში (გორის მაზრა). ბავშვები ზოგი აკვანში ჩასრისეს, ზოგი სარებზე ჩამოაცვეს და ზოგსაც კი აივნიდან ძირს ისროდენ. ქალები ჯერ გააუპატიურეს, შემდეგ კი ხანჯლებით დაჰკლეს...

1925—1926 წლები.

ისევ სისხლი... ისევ წამება. ხვრეტენ ხალხს და ამის შესახებ მხოლოდ ახლო ნათესაებებს თუ შეუძლიან გაიგონ რამე. ათეულობით ასამარებენ პოლიტიკურ მოწინააღმდეგეთ და ყველაფერი ეს გაუსმაურებლათ, მალულათ ხდებიან. საზოგადო მოღვაწეებს წუთისოფელს ასალმებენ და ამის საჯარო აღიარებას, პრესაში გამოქვეყნებას ვერ ბედავენ... ან როგორ უნდა გაბედონ: განა იმისთვის, რომ ადამიანი დაიხვერტოს საპირო არ არის ბრალდების წაყენება და დამტკიცება! ასეთი ბრალდება კი არ არსებობს. ეს ბრალდება თვით ჩეკის მიერ მოწყობილ მატარებლებზე თავდასხმაში ვითომდა მონაწილეობა და სხვა მსგავსი პროვოკაციაა. ასეთ პროვოკაციას ამხსვერბლეს ძველი სოც.-დემ. გერ. ლონტი, ახალგაზნა მარქსისტი, შეუპოვარი ლადო გეორგობიანი და სხვები... ასევე გაუსწორდენ ჟიათურის მალაროს მუშას გიორგი ჩანტლაძეს და კიდევ მრავალთ: კერძო ინტერესების ნიადგაზე მათ ბრალს სდებენ მატარებელზე თავდასხმის განზრახვაში და ხვრეტენ. ჩეკა არავითარ სისაძაგლის წინაშე არ იხვეს, რათა პოლიტიკურ მოწინააღმდეგეთ ჯერ ჩირქი მოსცხოს, რომ მერე მათი სისხლი დაღვაროს. სამეურნეო ორგანოებში მომუშავე ცნობილ მოღვაწეებს და პატიოსან მუშაკებს ფულის გაფლანგვის ფიქტიურ სამარცხვინო ბრალდებებს უყენებს და გაუსამართლებლათ ხვრეტს... ჩოლოყაშვილის რაზმთან რაიმე კავშირში შემჩნეულ მოწინავე გლეხების დახვერტას დუშეთის მაზრიდან და კახეთიდან უკანასკნელ დრომდე მასიურ ხსიათი ქონდა.

აი ასეთი იყო მთავარ ხაზებში ამ საშინელ ორგანიზაციის მოღვაწეობა საქართველოში, ხოლო ამ გამანადგურებელი მუშაობის სწვრივით ადგილი ქონდა ყოველად უმსგავსო, გულშემმაზრავ მალულ მოვლენებს. ჩვენ შეგვეძლო ჩეკის ჯურღმულებში წამებისა და ფიზიკურ-გონებრივ დასახიჩრების მრავალ და მოვალ შემთხვევათა ჩამოთვლა, რომ არა ერთი ვარემოება: ჩეკა წამება გადახდილ მკვლავებს წერილობით პირობას ადებინებს მის წინააღმდეგ ჩადენილ საშინელებათა სასტიკად დაფარვის შესახებ და ჩვენ ხელთ მყოფ ფაქტების გამომქლავება გამოიწვევდა სასტიკ შურისძიებას უკვე ნაწამებთა წინააღმდეგ. ამიტომ აქ მხოლოდ საქვეყნო ცნობილ რამდენიმე ფაქტს აღვნიშნათ:

1924 წლის მისში ზაჩეკაში აწამეს არსენალის მუშა გიორგი კასრაძე. კასრაძე ჰკუთხე შეიშალა. 22-23 წლებში ჩეკაში წამების დროს ჰკუთხე შეიშალენ სტუდენტები კირილი წილოსანი და მიხა ტულუში. მუშა გიორგი მუჯირიშვილს, რომლის ბინაზე აღმოჩენილ იქმნა ჩვენი პარტიის ერთ-ერთი სტამბა, გვერდები ჩაუმტვრიეს და შემდეგ დასაშინებლათ ავტომობილით დასახვერტათ საბურთალოზე წაიყვანეს. არ აკმარეს ეს წამებაც. განათვისუფლების შემდეგ ხელმეორეთ დააპატიმრეს და, მეორეთ წამებისას ჰკუთხე შეიშალა. 1923 წელს მარტში დააპატიმრეს ძველი კატორღელის ნიკოლოზ ვიბორგინის შვილი ახალგაზნა მარქსისტკა-ანეტა. ჩაადეს საყინულე სარდაფში, აწამეს და სიცოცხლეს გამოაპატიმრეს. 1923 წლის ივლისში ოზურგეთის ჩეკის

თავმჯდომარე მკურნალმა აწამა ძველი ს.-დემ. შიო ქურდიე, გაიყვანა დასახერხტოთ. გააშიშვლა და თოფიც ესროლა. (ქურდიე დღეს საზღვარგარეთაა).

აჯანყების დღეებში ჩეკის სადისტების თავაშვებულებას ხომ საზღვარი არ ქონდა ახალგაზდა მარქსისტი პ. სვანიძე დახერხეტის წინ დასაკითხავათ გაიყვანეს. მას ჯალათ-გამომძიებლებმა ხელფეხი დამტვირეს და ამ რიგათ, განწირულ ადამიანს ხადისტებმა უკანასკნელი საათები საშინელ ფიზიკურ ტანჯვაში გაატარებინეს...

1925 წლის თებერვალში აპატიმრებენ ახალგაზდა მუშა დავითაშვილს. თფილისის ჩეკაში მას გადაუარბებული ცემით თავს უტეხენ, ყურის აპკს უგლეჯენ და ნახევრათ გონება დაკარგულს, ნაცემ ნაწამებს აგზავნიან «სოლოვკებში». იქვე იგზავნება ქუთაისის ჩეკაში ნაწამები თავგატეხილი და გვერდებჩამტვირეული ახ. მარქსისტი ჯორბენაძე. «სოლოვკებში» გზავნიან ქართველ პოლიტიკურ პატიმართა მთელ ჯგუფებს, როგორც სისხლის სამართლის დამნაშავეებს და იქ მათ იძულებითი სამუშაოს ასრულებინებენ...

ხუთნახევარი წლის განმავლობაში გარყვნილი ორგანიზაციის გარყვნილებისა და სიმყარლის სუნი შხამავს საქართველოს ატმასფერას. ბინძური ორგანოს ბინძური ხელები იჭრება ქართველი ერის ცხოვრების ყოველ კუნძულში; ყოველგვარ კულტურულ-ეკონომიურ კავშირებსა და წამოწყებებში, კოოპერაციაში, სკოლაში, თეატრში ევლესიაში, ღვთის მორწმუნეთა მიმართ, ვით პირველყოფილ ქრისტიანთა წააღამდეგ იწყებენ ბარბაროსულ ბრძოლას.

რამდენი უდანაშაულო იმსხვერპლა ჩეკამ განსაკუთრებით ეს გამოაშკარავდა აგვისტოს დღეებში. თვითველ ნაძირალას სრული უფლება და საშუალება ქონდა დახვრიტა. ვისაც კი მოისურვებდა. იხვრიტებოდენ მოქალაქენი ისე, რომ მათზე არავითარი ცნობები არ რჩებოდა. ამიტომაც ჯალათებმა დღემდე ვერ გამოარკვიეს ვინ და რამდენია დახვრიტილი. აჯანყების ჩაქრობის შემდეგ სისხლმოციკრებულ ჩეკის მიერ მეტეხიდან ტუსაღთა გასანთავისუფლებლათ წარდგენილ სიგეში მრავალი დახვრიტილი აღმოჩნდა. დაუჯერებელი ამბავია, მაგრამ ფაქტია. უკვე დახვრიტილი ხალხი 10 დღის შემდეგ ჩეკამაც უდანაშაულოთ იცნა და მისთვის განსათავისუფლებელი ორდერი დააშადა...

ყოვლათ შეუძლებელია თუნდაც დაახლოვებით აღწერა მუშაობის იმ ჯაშუშურ და პროვოკატორული სისტემისა. რომელიც ქონდა საგანგებო კომისიას. ზნედაცემულთა ტახტის გამმაგრებელი ორგანო, ზნე-დაცემულობისა და გარყვნილების ბუდე ჩეკა, ცოლს ქმრის გაცემას ავალებდა, ძმას ძმის მოკვლას აკისრებდა. შვილს მამის ღალატის წინადადებას აძლევდა... თვითონ მკვლელობისა და თავდასმის აქტებს ახდენდა და პოლიტიკურ მოწინააღმდეგეთ თავს ახვევდა. ჩეკა თავის კაცის ღაბაძის ხელით კლავს ჯემალფაშას და ამ აქტის დასაფარავათ ხერხებს ღაბაძეს, ხოლო მკვლელობას დამნაცკაცანებს აბრალებს და რამდენიმე პოლიტ. პატიმარს წუთისოფელს ასაღმებს.

ენლა დამპყრობელებმა საყიროთ მიიჩნიეს მოეხსნათ «ჩეკის» სახელწოდება, მაგრამ ქართველი ხალხი არც ისე გულუბრყვილოა, რომ ჩეკის პოლიტ-სამართველოთ გარდაქმნაში რაიმე არსებითი ცვლილება დაინახოს.

ჩვენც კარგათ ვიცით სისხლის მოყვარულ ტირანებს უსისხლოთ არსებობა არ შეუძლია: სადისტებისა და ჯალათების ხროვა სასიკვდილოთ განწირულ ადამიანის წამებისა და გმინვის გარეშე ვერ იარსებებს. ჩეკის სიმახინჯისა და ველურობის შედეგი იყო. პოლიტიკური სამართველოც ამავე რეჟიმის ნაყოფია და მას თან დაყვება ჩეკის ყველა სპეციფიური თვისებები... ტანჯვა, წამება, სისხლის ღვრა გაგრძელდება. ჩეკას სახელწოდება ეცვლება, მაგრამ რჩება იგივე საწამებელი ადგილები, რჩებიან იგივე ჯალათები...

ჩეკა არ მომკვდარა: მოიხსნა მისი სახელწოდება, მისი შავბნელი საქმე კი მხოლოდ მაშინ აღმოიფხვრება, როცა მის მემკვიდრეს-ტირანთა ბატონობის განმამტკიცებელ პოლიტიკურ სამართველოს იმსხვერპლებს ქართველი ხალხის სმართლიან რისხვა.

დასარული,



ტ ა ქ ტ ი კ ა ა ზ ე .

ეს ერთი ხანია ირ. წერეთელი გვედავება ტაქტიკაზე. ახლა მან ამ დავას უძღვნა ბროშურა ამ სათაურით: «ჩვენი ტაქტიკის ძირითადი საკითხი», სადაც მან თავისი შეხედულებანი ჩამოაყალიბა. რა არის საერთო ჩვენს შორის და რაშია განსხვავება?

საერთოა მიზნის დასახვაში—საქართველოს დამოუკიდებლობის მოთხოვნაში. ამით ავტორი მკაცრათ ემიჯნება ბოლშევიკებს და მათ აზოლ-დაზოლთ. მარა როგორც კი გადადის ამ მიზნის მისაღწევ საშუალებებზე, ის ცდილობს გაგვემიჯნოს ჩვენც, უარყოს პარტიის მიერ აღებული ტაქტიკური ხაზი და მის ალაგას წამოაყენოს მეორე. რა ხანია წამოაყენებული პარტიის მიერ და რა ხაზი უპირდაპირებს მას წერეთელი?

პარტია თავის რეზოლიუციაში აყენებს ასეთ დებულებას: საქართველოს განთავისუფლება შესაძლებელია როგორც შედეგი საბჭოთა რუსეთის შინაგანი და საგარეო კონფლიქტებისა (მესამე ყრილობის რეზოლიუციები). ე. ი. ის მიზანს უკავშირებს მიმდინარე მომენტს. საბჭოთა არსებულ მდგომარეობას, რომლის ანალიზისაგან გამოყავს საქართველოს განთავისუფლების შესაძლებლობა. როგორც კი მოშორდებით ამ მომენტს, არსებულ ურთიერთობას და მასან დაუკავშირებლათ წამოაყენებთ ერთს დამოუკიდებლობას, ამით გამოდინართ ტაქტიკის სფეროდან და შედისართ პროგრამისაში. მიზანი რჩება მხოლოდ პროგრამის მუხლათ, ოდესმე განსახორციელებლათ და არ ედება საფუძვლათ დღევანდელ მოქმედებას. და აი სწორეთ აქ არის ძირითადი განსხვავება ჩვენს და წერეთლის პოზიციას შორის. ის აყენებს რა ჩვენთან ერთათ საერთო მიზანს, სრულიად არ აკავშირებს მის განსახორციელებას მიმდინარე მომენტთან, არ ეძებს საბჭოთა სინამდვილენ ამ განსახორციელების შესაძლებლობას, არ ავტოებს მის ანალიზს და არ გვითითებს აქედან გამომდინარე საშუალებებზე. პირიქით, ავტორი გადაპირთ გვირჩევის ომის და რევილიუციის წინ აღებულ ტაქტიკას, ე. ი. ტაქტიკა გამოყავს არა დღევანდელი. არამედ წარსული სინამდვილისაგან, როცა არც ომი იყო, არც რევილიუცია, არც დამოუკიდებელი საქართველო. არც საბჭოთა წყობილება, არც ერთი დღეს არსებული საშინაო და საგარეო მდგომარეობა. ე. ლიბკნეხტი ამბობდა ტაქტიკა შეიძლება შეიცვალოს ოცდაოთხ საათშიო, წერეთელი კი გვეუბნება—ტაქტიკა ურყევია, ერთხელ და სამუდამო ბოძებულთაო.

რა სახისაა ეს სამიღმეშიო ტაქტიკა? ეს ყოფილა უარისყოფა ომის და მიღება ზავის; აქედან იბადება ორი მოპირდაპირე მეთოდი ნაციონალური ბრძოლისა: ნაციონალისტური და დემოკრატიული (გვ. 6). ეს მართლაც მეტათ ძირითადი მუხლია, ისე როგორც ორი და ორი ძირითადი საფუძველია მატემატიკის. ასეთი დებულების წამოყენება შეიძლება ყველა გარემოებაში, ყველა ხანაში და საუკუნეში. მარა ეს ხომ ტაქტიკა არ არის. ეს არის პოლიტიკური მიმართულება, მსოფლმხედველობა, რომლის ფარგალში შეიძლება მოთავსდეს სხვადასხვანაირი ტაქტიკა. ომის მოწინააღმდეგენი ეკუთვნიან სხვადასხვა პარტიას, სხვადასხვა პროგრამით და ტაქტიკით აღჭურვილს. ასევეა ომის მომხრენიც. თვით ამ მიმართულებათა ასე მკაცრათ დაყოფა არ შეეფერება სინამდვილეს. დიდი დემოკრატები, როგორც მაგ. მაიჩინი, კოშუტი და გარიბალდი, იმავე დროს იყვენ ნაციონალისტები და აწარმოებდენ განმათავისუფლებელ ომს. ხოლო ხშირათ უკიდურესი ნაციონალისტები, როგორც მაგ. კოშუტის მოპირდაპირე დევი, უარსყოფდა ომს და მლოაპარაკებას არჩევდა. ომი იშვიათია, ხოლო ნაციონალური ბრძოლა მუდმივია. ცხადია, ამ ბრძოლას აქვს თავისი წესები, თავისი საკუთარი ტაქტიკა, რაიცა სავსებით განსხვავდება ომის ტაქტიკიდან. ყველა პარტია, განუტრეველათ მიმართულებისა, ამ ბრძოლას აწარმოებს შინაგანი საშუალებებით, კონკრეტული პირობების მიხედვით წამოაყენებულ ნაციონალური მოთხოვნილებებით. ავსტრო-უნგრეთის პარტიათა ნაციონალური მოძრაობა არასოდეს ომის ტაქტიკაზე არ ყოფილა აგებული, თუმცა ბოლსდაბოლოს საკითხი ომმა გადასწყვიტა. ასე რომ დემოკრატიული და ნაციონალისტური მეთოდი სრულიად არ მდგომარეობს იმაში, ვითომ ერთი უუეველათ ომს ეტრფოდეს, ხოლო მეორე ზავს. დემოკრატიულ მეთოდს მიმართავენ ნაციონალისტებიც, თუ ისინი დემოკრატიულ მსოფლმხედველობას იზიარებენ, ხოლო დემოკრატები მიმართავენ ომსაც, თუ ამას გარემოება მოიტანს და მათ თავზე მოახვევს. საქართველოს დემოკრატის მოუხდა ომის წარმოება.

როგორც ხედავთ, ირ. წერეთელის ეს ძირითადი კლასიფიკაცია სრულდება შეესაბამება სინამდვილეს და ეს იმიტომ რომ ის მეტათ ძირითადია, მეტათ მარტივია. განყენებულია და ამიტომ ქვეშარიტებას დაწვრილებულია. ქვეშარიტება ყოველთვის კონკრეტულია. აქ მთავარი შეცდომა მდგომარეობს იმაში, რომ ნაციონალიზმისათვის დაპირდაპირებული დემოკრატიზმი. მაშინ როდესაც ესენი ერთი მეორეს არ უარყოფენ. ნაციონალიზმს ეპირდაპირება სოციალიზმი. მხოლოდ მათ შორის არის პრინციპიალური განსხვავება მიზანში და მეთოდებში. ნაციონალურ დავას ისინი შეიძლება მიუდგენ სხვადასხვანაირათ. ერთი რევოლუციურიათ, მეორე სამხედროთი, ე. ი. თავისი ტაქტიკა ერთმა ააგოს რევოლუციანზე, მეორემ კი ომზე. ეს შეიძლება და არა აუცილებლათ, ვინაიდან მრავალი სოციალისტები სრულიად არ აწარმოებენ ნაციონალურ ბრძოლას და მრავალი ნაციონალისტები პაციფიზმს მისდევენ. და თუ ირ. წერეთელი საქართველოს სოციალდემოკრატიას აბრალებს რევოლუციური მეთოდის უკუგდებას და სამხედროს მიღებას, მაშინ ეს მას უნდა დაემტკიცებია პარტიული საბუთებით და დოკუმენტებით. პარტიის მესამე ყრილობამ თავისი ტაქტიკა ჩამოაკალიბა რუსოლიუციებში, დაიბეჭდა ამათი პარტიული ახსნა-განმარტება «ბრძოლაში» (ჩვენი ტაქტიკა), ომზე და ზავზე ხშირათ იბეჭდება ამავე ორგანოში და ყოველგან დამგობილია ომი და წამოყენებული ზავის პოლიტიკა. წერეთელი არსად არავითარ ამის საწინააღმდეგო საბუთს არ იძლევა, ხოლო საკითხი კი ისე აქვს დასმული ვითომ ჩვენ სამხედრო კომბინაციებზე ვეყრდნობოდეთ. ხოლო ის კი დემოკრატიულზე. ასეთ იოლ მოწინააღმდეგეს ებრძვის მთელი ბრძოლიურა და ამტკიცებს—ომი ცუდია, მშვიდობიანობა კარგიაო... მე მგონია აქ რაღაც დიდი გაუგებრობაა. ალბათ ავტორი ომის პოლიტიკას უწოდებს იმას, რასაც ჩვეულებრივ ენაზე ეწოდება შორს გაქვრტა, სხვადასხვა მდგომარეობის წარმოდგენა და თვითული შემთხვევისათვის ტაქტიკის გათვალისწინება. რაკი პარტიის თავის ანალიზში შეაქვს საკარგო მომენტები და რაკი ის სხვა პერსპექტივებს შორის ამასაც უჩვენებს როგორც მოსალოდნელ საშუალებას ბოლშევიკური რეჟიმის დასანგრევათ, წერეთელს ეს ალბათ მიანიჩა ომის პოლიტიკათ, მილიტარისტულ სულისკვეთებათ. და თუ ეს მილიტარისტობაა, ცხადია ყველა სოციალისტური პარტია მილიტარისტული ყოფილა, ვინაიდან ყველა ფიქრობს იმაზე თუ ომის დროს რა პოზიცია დაიკავებს. საფრანგეთის პარტია მთელი სამხედრო კანონ-პროექტი წარადგინა პალატაში ქვეყნის დაცვის მოსაწყობათ ომიანობის დროს. მართალია აქ იყვენ მოწინააღმდეგენი, ჩვენი საქმე არ არის სამშობლოს დაცვა, მარა სამხედრო ორიენტაცია პროექტის მომხრეთათვის არ დაუბრალეობათ. ხოლო თუ ჩვენი პარტიის დებულება ყალბია, მაშინ ავტორს უნდა დაემტკიცებია ეს. უნდა ეჩვენებია, რომ ომის გამო არსათ რეჟიმი არ დანგრეულა, ერი არ განთავისუფლებულა და სხ.

ამნაირათ, ომის უარისყოფა, ზავისთვის ბრძოლა სრულიად არ ნიშნავს ომისათვის თავკარიელათ და ხელკარიელათ დახვედრას, თუ ის ატყდა. ამჟამათ ომი არავის არ სურს, გარდა ბოლშევიკებისა, მარა ყველა ემზადება მოსალოდნელი შემთხვევისათვის. ჩვენ ვფიქრობთ, რომ თუ რუსეთი ომში ჩაება, ამით ვისარგებლოთ და ომი გადაეაქციოთ რევოლუციათ საბჭოთა ხელისუფლების დასანგრევათ და დემოკრატიის და ნაციონალსადგენათ. ასე ფიქრობს მაგ. კაუტსკიც, ამის წინააღმდეგია მაგ. დანი. (იხ. მათი პოლემიკა «Kampf», ავგისტო, 1925). რატომ არის ასეთი განსხვავება? იმიტომ რომ დანისათვის ბოლშევიკური ხელისუფლება რევოლუციურია და ამიტომ მის წინააღმდეგ რევოლუცია დაუშვებელია, კაუტსკისათვის კი ის რეაქციონურია და მასასადამე რევოლუცია სავალდებულოა. და თუ ირ. წერეთელი უარს ყოფს ომის რევოლუციათ გადაქცევას, ცხადია ის დანის შეხედულებებზე დამდგარა. ვინც საბჭოთა წყობილების დანგრევას ცდილობს, ის ვალდებულია ამ მიზნით ისარგებლოს ყოველნაირი საშუალებით, რომელიც კი მიზანს მიაღწევს. «ჩვენ გაშლილი უნდა გვქონდეს ყველა გზები, რომლებიც კი ჩვენს პრინციპებს და მიზნებს შეესაბამება», ამბობს კაუტსკი («ბრძოლა» № 25). ხოლო წერეთელი კი გვეუბნება—არის ერთათ-ერთი გზა—წმინდა დემოკრატიული მეთოდებით ბრძოლა». რას ნიშნავს ეს? რანაირათ შეიძლება დესპოტიკაში დემოკრატიული მეთოდით იბრძოლო? უნდა იყოს არა დემოკრატიული, არამედ რევოლუციური მეთოდი, ვინაიდან ბრძოლის სხვა ფორმა ჩვენსში არ არსებობს. თუ ასეთ განმარტებას მივიღებთ, მაშინ გამოვა რომ ეს მეთოდი პრინციპიალურათ არ უარსყოფს არც იარაღს, არც აჯანყებას, არც სამხედრო ორგანიზაციას. არც მებრ-

ძოლთა აღრიცხვას, ერთი სიტყვით გულისხმობს ყველა იმ ფორმას, რასაც ძველ რეჟიმში რევოლუციური სოციალდემოკრატია ახორციელებდა. თვით წერეთელი სწორედ სამხედრო ორგანიზაციასან კავშირისათვის გაასამართლეს. დემოკრატიული მეთოდი ყველა ამას უარს ყოფს და კმაყოფილდება პროპაგანდა-აგიტაციით და საარჩევნო ბიულეტენებით. ეს ფორმა დემოკრატიულ ქვეყნებშიაც სადათაა გამხდარი, რევოლუციური მეთოდი აქაც საჭიროთა მიანიხთ ზოგიერთ მომენტებში.

ამნაირათ, «წმინდა დემოკრატიული მეთოდი» საბჭოთა სინამდვილეში ნიშნავს გულზე ხელის დაკრეფას და ბრძოლიდან გადადგომას. პარტია კი დგას რევოლუციური ბრძოლის საფუძველზე და ხელმძღვანელობს მიზანშეწონილობით. შეიძლება მას არ დასჭირდეს არც იარაღი, არც აჯანყება, მარა თუ დასჭირდა უკან არ დაიხევს «დემოკრატიული» მოსაზრებით; ძალას ძალა დაანგრევს. და სწორედ ტაქტიკის საგანია გაითვალისწინოს როდის რა საშუალებაა საჭირო მიზნის მისაღწევათ. ცხადია, ჩვენს და წერეთლის შორის განსხვავებაა არა იმ უდაო დებულებაში რომ ომს ზავი სჯობია, სამხედრო კომბინაციები პარტიის საქმე არ არის და სხვა ასეთი «ძირითადი» დებულებები, არამედ ბრძოლის წარმოების მეთოდში, მიმდინარე ტაქტიკურ მომენტებში. ის აყენებს დემოკრატიულ მეთოდს, ჩვენ კი რევოლუციურს. ის ემბრობა ამ სფეროში აბრაშოვიჩს¹⁾.

მეთოდის ასეთი განსხვავება ქმნის განსხვავებას თვით მიზანში; ჩვენ მიგვაჩნია შესაძლებლად საქართველოს დამოუკიდებლობის აღდგენა მიმდინარე ხანაში, ე. ი. საბჭოთა წყობილების დღევანდელ ურთიერთობაში, მის აუცილებელი გადატენის და დანგრევის პერიოდში. ირ, წერეთელი კი ამ მიზნის განხორციელებას მოელის ევროპაში და რუსეთში «დემოკრატიის გაძლიერების და გამარჯვებისაგან». აქაც ტერმინების გაუგებრობაა. რომელ დემოკრატიაზეა აქ ლაპარაკი? თუ ბურჟუაზიულზე, ის უკვე გამარჯვებულია დასავლეთში, ოდესმე გაიმარჯვებს რუსეთშიაც. მარა ამ დემოკრატიისაგან არა მგონია წერეთელი განთავისუფლებას გამოელოდეს. მას ალბათ სახეში ყავს სოციალისტური დემოკრატია; ამ შემთხვევაში მისი დებულება მიიღებს ასეთ სახეს: საქართველოს განთავისუფლება შესაძლებელია სოციალიზმის გამარჯვებით. დებულება უდაოა, მარა რა შუაშია აქ საქართველო. საბჭოთა ტირანია, მიმდინარე ტაქტიკა და ბრძოლა. სოციალიზმი თავისუფლებას მიანიჭებს ყველა ერთ. შორედ აღრიცხავია კი. ეს ძველი პროგრამული დებულებაა, პროპაგანდისტული საშუალებაა სოციალისტური იდეების გასავრცელებლათ. ამით საქართველოს საკითხი იხსნება დღის წესრიგიდან. ტაქტიკის სფეროდან და რჩება პროგრამის ერთ-ერთ მუხლათ, როგორც მრავალი სხვა, რომელიც სოციალიზმმა უნდა განახორციელოს. აი აქ არის მეორე დიდი უთანხმოება ჩვენს შორის.

სად არის სათავე ამ უთანხმოების? სათავეა ერთათ-ერთი—ირ. წერეთელი არ არის სავსებით დარწმუნებული ერთა განთავისუფლების აუცილებლობაში სოციალიზმად. ჩემი დებულება «რუსეთის ველიკორსიით გადაქცევა» მას არ მიანიხა დემოკრატიულათ. ხოლო ერთი ერთი—ერთი სახელმწიფო აღიარებულია უტოპიათ. ორივე შემთხვევაში სინამდვილე ავტორის წინააღმდეგ ღალადებს. საბჭოთა რესპუბლიკათა კავშირში რუსეთი მხოლოდ ერთი წევრია, ხოლო მისი საზღვრები იფარგლება ველიკორსიით. ე. ი. რუსეთი ნაციონალურათ და კულტურულათ უკვე გადაქცეულია ველიკორსიით. რაცა უნდა დაგვირგვინდეს პოლიტიკურათაც. ნაციონალური და კულტურული ერთობა სახელმწიფოს საფუძველია. რაც შეეხება მეორე დებულებას, ის ხომ განხორციელებულია მთელ დასავლეთში. აქ არ არის ერთ რომელსაც არ ქონდეს საკუთარი სახელმწიფო. ეს ევროპის გზა სავალდებულოა საბჭოთა ტერიტორიისათვისაც იმდენათ, რამდენათ მისთვის სავალდებულოა გავროპილება, დემოკრატიის და ნაციის გამარჯვება. უტოპიურია მხოლოდ ერთი—ერთი ყველა ნაწილების ერთ სახელმწიფოში თავის მოყრა. გაანეული უმცირსობანი მეუდა იქნებიან და მათი უფლების დასაცავათ წამოყენებულია სხვადასხვა ზომები.

რაც მთავარ პრინციპებში წერეთელი დაეჭვებულია, ნაციათა თვითგამორკვევის პრაქტიკულათ გატარება რუსეთისათვის სავალდებულოთ არ მიანიხა, რასაკვირ-

¹⁾ «სოც.-ვესტნიკის» ავგისტოს ნომერში დაიბეჭდა ჩემი წერილი და მისი აბრაშოვიჩის პასუხი. ეს პასუხი წმინდა განმეორებაა ირ. წერეთლის დებულებების. შემდეგ ნომერში ამ წერილს გავაცნობთ «ბრძოლის» მკითხველებს.

ველია, ნაციონალური ბრძოლის საშუალებებშიაც დაეყვებულა და საერთო დემოკრატიულ დებულებით და შორეული პერსპექტივებით კმაყოფილდება.

ამით აიხსნება ისიც რომ საქართველოს შედარება ბელგიასან მას არ აკმაყოფილებს და გადაპირით ამტკიცებს, ჩვენი ქვეყანა გარედან დახმარებას ვერ მოიპოვებს. ბელგიის დამოუკიდებლობის არა თუ დაცვა, არამედ თვით წარმოშობაც (1830 წელში) მოსახლურ სახელმწიფოების საქმე იყო (საფრანგეთის და ინგლისის). და საზოგადოთ, პატარა ერს არასოდეს არ მოუპოვებია თავისუფლება გარედან დაუხმარებლად. და თუ საქართველო ასეთ დახმარებას ვერ მიიღებს, ის მართლა ვერ განთავისუფლდება, სოციალისმამდე. მარა საქირთა ამის დამტკიცება რუსეთის და ევროპის არსებულ მდგომარეობიდან, დანახება იმის, რომ დღეს ევროპა და პირველყოვლისა რუსეთის მოსახლურ სახელმწიფოები დაინტერესებული არიან დიდი ისტორიული რუსეთის შერჩენაში. ჩვენ კი ვგვინა, პირიქით, დიდი რუსეთი სასიკვდილო ლახვარია დიდი და პატარა ლიბერალთაგანათვის. დარღვევა ევროპის არსებული საერთაშორისო წინასწარობის, ცეცხლის კოცონია აღმოსავლეთიდან დასავლეთისაკენ გადმოსროლილი. ამიტომ არის რომ დღეს დიდი რუსეთი აღარავის არ აინტერესებს. გარდა რასაკვირვებელია თვით რუსებისა და გერმანიის მონარქისტებისა. რუსეთი ან ბოლშევიკური, ე. ი. უძლეური და დაგლახებული, ან პატარა და დემოკრატიული—აი რა საქირბოროტო საკითხი დგას დღეს გადასაქრელათ. საქართველოს, ისე როგორც საქმეთა კავშირის სხვა ერთა მშობელი, აი ამ მიმდინარეობის ფარგალშია მოქცეული.

იო. წერეთელი კი აქ კარებს გვიწმობს და სოციალისმისაკენ გვითითებს. აი იქ იპოვით რასაც დღეს ეძებთ.

ამნაირათ, ჩვენ ვლებულობთ ორ განსხვავებულ ტაქტიკურ ხანს. ჩვენია: საქართველოს დემოკრატიული რესპუბლიკის აღდგენა მიმდინარე ხანაში; ამ მიზნის მიღწევა დაკავშირებულია საქმეთა ხელისუფლების საშინაო და საგარეო მდგომარეობასან. მის აუცილებელ დარღვევას; ამ დარღვევისათვის ჩვენ ვიბრძობთ რევოლუციური სოციალდემოკრატიის მეთოდით.

იო. წერეთლის პოზიცია: საქართველოს დემოკ. რესპუბლიკის აღდგენა. ეს აღდგენა შეიძლება მაშინ, როცა ევროპაში და რუსეთში გაიმარჯვებს სოციალისტური დემოკრატია. ამ დროსათვის უნდა მოვამზადოთ ხალხი დემოკრატიული მეთოდით.

როგორც ხედავთ, ძირითადი განსხვავება აქ არის. ყველა დანარჩენი ან უდალა ან წვრილბადა. უდალა ის, რომ ჩვენ კავშირი უნდა გვექონდეს რუსეთის მოწინავე დემოკრატიასან, რაც არა ერთხელ დაგვიწერია (იხ. «ჩვენი ტაქტიკა»), უდალა ევროპის დემოკრატიასან კავშირი. უდალა პარტიული, სოციალდემოკრატიული ყოველდღიური მუშაობა, რასაც ვრცლათ შეგვნებთ არა ერთხელ (იხ. იქვე). უდალა არის ის, რომ სოც. ინტერნაციონალი გვეხმარება, მხოლოდ ავტორსავით გადაქარბებული წარმოდგენა ამ დახმარებაზე არ გვაქვს. ყველამ იცის ზოგ სოციალისტურ მთავრობათა ჩვენდამი დამოკიდებულება; უდალა არის პარტიისათვის სამხედრო მეთოდის უფარგისობა და სხვ. და სხვ. წვრილბადა ივ. ჭავჭავაძის შეხედულებებთან ბრძოლა. თუმცა თვით ჭავჭავაძი ემყარება რუსებს, რომელიც რუსეთის მოსალოდნელ დაყოფაზე თვით ლაპარაკობენ. წვრილბადა ჩემი და რამიშვილის ცნობილ წერილებში აჯანყების და იმპერიალისტური კონფლიქტების სურვილების დანახვა, რაც ბოლოს და ბოლოს თვით ბოლშევიკებმაც კი ვერ დაინახეს. წვრილბადა ჩვენი პარტიის ტაქტიკის გერმანიის პარტიის ტაქტიკასან შედარება, იმ გერმანიის, რომელიც დაპყრობილი არ არის, დამოუკიდებლობა აღსადგენი არ აქვს და მხოლოდ ევროპის საწავო პირობების ზოგ მუხლებზე დაობენ. ყველა ეს და მრავალი სხვა წვრილბანი, რომლითაც ბროშიურა სავსეა, უბრალო სიტყვის მასალაა, არსებულ ძირითად უთანხმოებას არ შეეხება და ახდენს შთაბეჭდილებას, როგორც რუსები იტყვიან, თმით მოთრეული არგუმენტებისას. ჩვენი საერთო ინტერესია ამ წვრილბით არ დაიფაროს ნაამდვილი უთანხმოება, რომ პარტიას საქართველოში მიეცეს საშუალება მისი დაფასების და არჩევის. პარტია დღევანდლამდე დგას მეტროლი მენშევიზმის საფუძველზე; ეხლა იო. წერეთელი გვიჩვენებს ამ საფუძველის ლიკვიდაციას და მშვიდობიან ხანზე გაჩერებას. აი აქ არის ჩვენი ტაქტიკის ძირითადი საკითხი.

«ტრეცინის» სტყუის. (წერილი საქართველოდან)

მე-15 პარტკონფერენციანზე ფილიპე მახარაძემ, რომელსაც ამ ბოლო დროს მისივე ამხანაგები უფრო «კოტეინის» სახელწოდებით იხსენიებენ, თავის «შესანიშნავ» სიტყვაში განაცხადა: «როცა ჩვენთან მოდიან რომელიმე უცხო დელეგაციები, ისინი უპირველეს ყოვლისა (აქაც სტყუის. ავტ.) მიეჩქარებიან მენშევიკებისაკენ (მეტეხში)... საერთოთ ისინი (მენშევიკები) დღემდე ლოიალურათ იქცეოდნენ, მაგრამ უკანასკნელ ხანებში, ოპოზიციის გამხრწნელ მუშაობის შედეგათ, მათაც იცვალეს კილო და ძალიან თავხედურათაც.» მერე არ იკითხავთ რაში გამოიხატა ეს თავხედობა? თურმე ნუ იტყვი. ანდრონიკაშვილს დელეგაციისათვის უთქვამს: «არც რუსეთში და არც აქ არ არსებობს დემოკრატია, პროლეტარიატის დიქტატურა, არის მხოლოდ კომპარტიის დიქტატურა». და მოწმეთ მოლუფანია ტროცკი, ზინოვიევი, რადეკი და სხვები. იმ ხანებში მე თვითონ ვიყავი მეტეხში და კარგად ვიცი, თუ როგორ ხედებოდნენ დელეგაციებს პოლიტ-პატიმრები. ამიტომ საუბროდ მიმაჩნია და ვალდებულათაც ვრაცხ ჩემ თავს სწორი ცნობები მივაწოდო საზოგადოებას და ამით დავაწმუნო ის, რომ ფილიპე მახარაძე ესლაც ისე სტყუის, როგორც ყოველთვის.

1924 წ. აჯანყების მეთაურთა ცნობილ პროცესის შემდეგ, რომელზედაც ხელისუფლებამ საქვეყნო შეიროცხინა თავი, მეტეხში პირველათ მოვიდა გერმანიის პირველი დელეგაცია და ინახულა ამ პროცესზე გასამართლებული პატიმრები. ანდრონიკაშვილმა და სხვებმა ამ დელეგაციას დაწერილებით აუხსნეს და განუმარტეს, რომ საქართველოს დემოკრატიული რესპუბლიკა დაპყრობილ იქნა ბოლშევიკურ რუსეთის მიერ, რომ საოკუპაციო ხელისუფლების უხეშმა პოლიტიკამ გამოიწვია საქართველოს მთელი მოსახლეობის აღშფოთება და 1924 წლის აგვისტო სექტემბრის საყოველთაო სახალხო აჯანყება და სხვა. ერთი სიტყვით დაუფარავათ უთხრეს ყველაფერი ის, რაც ილაპარაკეს პროცესზე. ამ საუბარს დაესწრო მთავრობის წარმომადგენელი ვ. სტურუა. გერმანიის დელეგაციამ უკან დაბრუნებისას ყველაფერი გადაამახინჯა და «სიმართლე» ამცნო ქვეყანას.

პოლიტ-პატიმრებმა ისედაც კარგად იცოდნენ, რომ ამ დელეგაციებთან ლაპარაკი არავითარი მნიშვნელობა არ აქვს და შეუძლია მხოლოდ გამოიწვიოს მდგომარეობის გაუარესება, როგორც ეს მოხდა უკვე გერმანიის დელეგაციასთან საუბარის შემდეგ. ცხადია, გერმანიის დელეგაციის უმართბულო საქციელის შემდეგ უნდა დასმულიყო კითხვა, თუ როგორ შეხვედროდნენ დელეგაციებს მომავალში.

პოლიტპატიმრებმა გადასწყვიტეს არ ესაუბრათ მათთან. რამოდენიმე კვირაში კვლავ მოდის ჩეხოსლოვაკელთა დელეგაცია. რომელსაც ხვდებიან კატეგორიული უარით. დიდი ხნის ხეწნის შემდეგ, როცა დელეგაციამ პატიოსანი სიტყვა მისცა პატიმრებს—სისწორით გამოვაქვეყნებთ თქვენს ნათქვამსო, უკანასკნელი იძულებული გახდნენ დათანხმებულიყვნენ საუბარზე. რვა საათს გაგრძელდა ეს საუბარი. ყვეფერს იწერდნენ დელეგატები, არ დარჩენილა არც ერთი კითხვა, რომელიც არ გაეშუქებოდა ანდრონიკაშვილს, ჯინორიას, ჯავახიშვილს და სხვებს. მერე როგორ მოიქცა ეს დელეგაცია? შეასრულა მიცემული პატიოსანი სიტყვა? სრულიადაც არა, მოიქცა ისე, როგორც უბრძანა მისმა დამპყროვებელმა მოსკოვმა.

კიდევ უფრო აშკარა შეიქნა, რომ ამ მოსყიდულ ხალხთან ლაპარაკი ნიშნავდა პოლიტ-პატიმრის ღირსების დამცირებას. ამიტომ ყველა შემდეგ დელეგაციებს გადაპროლი უარით ხედებოდნენ. მაგრამ დახე მათ უზრდელობას! სწორეთ ამ უარის მიღებაზე ჩამოსხდებოდნენ ტუსალების ლოგინებზე და თავს აბეზრებდნენ შეკითხვებით. საუბრო იყო მათსებრ უზრდელობის გამოჩენა, რომ არ მიეცათ პასუხი ზოგიერთ შეკითხვებზე მაინც. ამიტომ იმართებოდა კერძო ხასიათის საუბარი, რომელიც გრძელდებოდა 2-3 საათი. თუმცა ეს საუბრები კერძო ხასიათის იყო, მაგრამ ცნობებს იმის შესახებ, რომ საქართველო ოკუპაციის ქვეშ იმყოფება, რომ ჩვენში არ არსებობს დემოკრატია და სხვა, პატიმრები საკმაოთ აძლევდნენ დელეგაციებს, ხლოა ყველა ეს დელეგაციები თავის მოვალეობათ სთვლიდნენ საოცრათ გადაამახინჯებიათ ნაამბობი და ყალბი ცნობები მიეწოდებიათ ევროპის ქვეყნებისათვის.

ყველაზე უფრო უსინდისოთ მოიქცა გერმანიის მეორე დელეგაციის თავმჯდომარე კერბერი, რომელმაც ევროპაში განაცხადა, რომ პოლიტ-პატიმრები ისე კარ-



30669

გად ცხოვრობენ, თომ ატამიცი კი მოგვაწოდეს პირის გასასველებლათო და თვეში ან-
ჯერ ნახვა აქეთო, მაშინ როდესაც მას პირიქით უთხარეს—არც ერთი ნახვა არა გვაქვსო.

რა უნდა ექნათ პოლიტ-პატიმრებს! მათ მონახეს შემდეგი გამოსავალი: რათა
რამოდენიმე მაინც მოესპოთ დელეგაციებისათვის საუბრის დამახინჯების საშვალე-
ბა, გადასწყვიტეს წყაროებით მათთან წერილობითი საუბარი—ეს იმ შემთხვევაში.
თუ დასაბუთებული უფარი არ გასჭრიდა და მათ თავიდან ვერ მოიშორებდნენ. ასე მოე-
ქცენ პირველათ საფრანგეთის ტრანსპორტელების დელეგაციას, ხოლო შემდეგ გერ-
მანიის თავისუფალ მოაზრეთ და ინგლისის ახალგაზდებს. ამათ წერილობით შეკით-
ხებზე, წერილობითვე გასცეს პასუხი და დელეგაციების თავმჯდომარეთა მიერ ხელ-
მოწერილი ქაღალდები დაიტოვეს პატიმრებმა. აი სწორეთ ეს ველარ მოითმინა ხე-
ლისუფლებამ და ამას მოყვა შედეგათ, რომ 20 ოქტომბერს სასამართლოს მიერ გასა-
მართლებული პოლიტ-პატიმრები რიცხვით 16 კაცი ქურდულათ მოიტაცეს მეტეხი-
დან და გადაასახლეს რუსეთში, სუზდალის იზოლიატორში.

როგორც ხედავთ ამ ცნობებიდან ირკვევა შემდეგი:

1) ანდრონიკაშვილს და მის ამხანაგებს პირველათ არ უთქვამს დელეგაციები-
სათვის ის დღესავით ნათელი ჭეშმარიტება, რომ არც რუსეთში და არც ჩვენში არ
არსებობს დემოკრატია, არამედ არის კომპარტიის აღვირწახსნილი დიქტატურა და
სხვა. ეს კარგად იცოდა ხელისუფლებამაც, რადგან თვითვე დელეგაციას თან დას-
დევდა ჩეკისტთა ბროვა.

2) საკითხი დელეგაციებთან წერილობითი საუბრის გამართვის შესახებ პატი-
მრებმა დასვეს და გადასწყვიტეს უფრო ადრე, ვიდრე მოხდებოდა ოპოზიციის გამო-
სვლები.

აქედან აშკარაა, რომ ამ საკითხს არავითარი დამოკიდებულება არ აქვს ოპოზი-
ციასთან და ანდრონიკაშვილს და მის ამხანაგებს არავითარი კილოს შეცვლა არ დას-
ტყობიათ. ასეთი სიბრძნე ნაყოფია ფ. მახარაძის ავთომყოფ ფანტაზიის, რომელსაც,
როგორც იუდას. ფოთლის შრიალისაც კი ეწინია.

რასაკვირველია, ოპოზიციის გამოსვლები ყველას ახარებს იმდენათ, რამდენა-
დაც ეს მოასწავებს კომპარტიისმიერ დაბეჩავებულ და გონება დაჩლუნგულ პარტი-
ულ მასის გამოფხიზლებას, მაგრამ სალი ჭკუის ადამიანს როგორ მოუვა აზრათ, რომ
მენშევიკები, რომელთაც აქეთ თავისი საკუთარი სწორი გზა და მსოფლმხედველობა,
რამე პოლიტიკას ააშენებენ ამ გზაბნეულ ოპოზიციის ლაჩრულ გამოსვლებზე?

მაგრამ ფ. მახარაძისაგან ასეთი საქციელი არ არის გასაკვირი. მას ისტორიამ
დააკისრა მუდამ უყეფოს მენშევიკებს, რათა ამით მოსკოვის ნდობა დაიშასხუროს.
წინააღმდეგ შემთხვევაში მასაც ისე მიაგდებენ სადმე კუთხეში, როგორც ეს უქნეს
ბეგრ მის თანამოღვაწეს.

ყოფილი პატიმარი.

ლ კ უ პ ა ნ ტ ე ბ ი ს «ახალგზელ» ფ ი ნ ი ც მ ბ.

(წერილი საქართველოდან).

«კომუნისტი»-ს მახანჩალა «ახალგზელში» № 24 მოთავსებულია მეთაური, რო-
მელშიაც ავტორი ერთხელ კიდევ ღუპავს ათასჯერ გადაღეპილ «სიბრძნეს» ძველი ხა-
ზის გადაფასების და ახალ გზაზე დადგომის შესახებ. ასეთი «საქმიანობა» სწორეთ ამ
წვრილფეხა რენეგატების ხელობა და ამაში მათ არც არავინ შეეცილება. მაგრამ მა-
თი თავხედობა იქამდე მიდის, რომ ისინი აშკარათ აქეთ გვედავებინან: «ჩვენ ვეკამათე-
ბით ჩვენს მოწინააღმდეგებს; ჩვენ სხვადასხვა დებულებებს ვაყენებთ, ვარკვევთ, ჩვენ
პრინციპიალურ კითხვებს უყენებთ მათ», მაგრამ «არც ერთ ჩვენ მიერ წაყენებულ დე-
ბულებას ისინი არ აბათილებენ, არც ერთ კითხვაზე არ უპასუხებენ», და თურმე ეს
იმიტომ ხდება, რომ მოწინააღმდეგეს «სათქმელი არაფერი აქვს» და კიდევ იმიტომ,
რომ «ისინი თავიანთ მკითხველებს არაფრათ ავდებენ». გესმით მკითხველო? ის ხალ-
ხი, რომელიც გამცემლობით და ჯანმრთელობით თავის პირად ცხოვრებას აწყობს, თა-
ვის ბედნიერებას ერის უბედურებაზე აშენებს, ის ხალხი, რომელმაც თავის პირად
კეთილდღეობისათვის ურცხვათ გადააბიჯა ათასობით დახვრეტილ მოქმეთა გვამებს
და კომუნისტურ სუფრასთან მიცოცდა,—აი ეს ხალხი ბედავს გვითხრას: «გვეკამა-
თეთ პრინციპიალურ კითხვებზე?»—ო.

ცხადია, ეს უბედურნი იმდენათ დაბრმავებულან, რომ ვერ ხედავენ რაზომ დი-

დი და უსაზღვროა ქართველი ხალხის სიძულვილი და გულისწყრომა. ცხადია, მათ სრულიად დაუკარგავთ გონება და ვერ მიმხვდარან რომ კამათი ერის უღირს შვილებთან იქნებოდა ჩვენი ერის, ჩვენი თავის და ჩვენი მკითხველის ღირსების შელახვა და უპატივცემლობა.

ვინ ხართ თქვენ, რომ თქვენთან ვიკამათოთ? რა სიტყვით თქვენ ისეთი, რაც თქვენზე უფრო ბევრათ ადრე არ ეთქვათ ბოლშევიკებს? თქვენ მხოლოდ გაიმეორეთ ძველი, ბოლშევიზმის უტოპიური თეორია. ისიც სუსტათ და ლანძღვა-გინებით შეფერადებული, როგორც ეს საერთოთ რენეგატს სჩვევია. საერთაშორისო სოც. დემოკრატია, რომლის ერთი წევრი არის ს. სოც. დემ., ებრძვის საერთოთ ყოველგვარ უტოპიას და მუშათა კლასის დეზორგანიზაციას; როგორც ასეთს ებრძვის ბოლშევიზმს; თქვენ კი უკანასკნელის ერთი უპრინციპო ნაწილი ხართ. ჩვენთვის თქვენი როლი კიდევ უფრო სახიზლარი იმით არის, რომ თქვენ წითელი და სისხლიანი ქანდარმეირის, ჩეკის მარჯვენა ხელი ხართ და გამოდიხართ როგორც ოკუპანტების ჩვეულებრივი აგენტები. ასეთ ხალხს არც აქვს პრინციპები და არც შეიძლება ქონდეს გარდა სამოქმედო წესდებისა, რომელშიც გარკვეულია გზები თვით სავარძლებისაკენ და საშვალეებიანი ხალხის ნებისაგან გაქცევისა და მისი ფეხქვეშ გათელვისა. თქვენი «დეკლარაციები» და პლატფორმა მხოლოდ ასეთ წესდებებს წარმოადგენს. ამიტომ ჩვენ ვებრძვით არა თქვენს «პრინციპებს», რამედ თქვენს უსინიღისო მოქმედებას და ვებრძვით მას თქვენს დამჭირავეებელ-მასწავლებელთან ოკუპანტებთან ბრძოლით.

თქვენს «წმინდა მოვლევობას» ხომ ამ ოკუპანტთა ქება-დიდება შეადგენს და მეტი არაფერი. თქვენთვის ისიც დიდი პატივია, რომ ჩვენ ხანდისხან იძულებული ვართ გამოგვხმავოთ ამ თუ იმ საკითხზე, რათა უარყვით თქვენ მიერ გვერცხვლებული უბრები და ცილისწამებანი. თქვენი საქმეა იჯდეთ ტირანიულ ხელისუფლების სუფრასთან და მუდამ იყფოთ. რათა არ მოგაკლდეთ თქვენი დამჭირავებლის ნასუფრალი.

ტყვილათ ბრძანებთ, თითქოს ჩვენ პრინციპალურ კითხვებს არ ვარკვევდით. მაშ რა კითხვებს არკვევენ თუ არა პრინციპალურს მთელი რიგი ბროშიურების, როგორიცაა მაგ. «ჩემი პასუხი», «ჩვენ და ისინი», «ბრძოლის საკითხები», «ბოლშევიზმი», «საქართველო და რუსეთი», «რა მოხდა», «ჩვენი ტაქტიკა», «ნამდვილი და ყალბი კომუნისმი», «პოლიტიკა» და სხვა მრავალი.

მართალია ეს კითხვები თქვენ არ შეგიქმნიათ, მაგრამ რა შექმენით თქვენ?—არაფერი. გარდა ოკუპანტებისაგან გადმოღებულ ბაქიობისა, როცა წითელი იმპერიალიზმი ფეროპაში აპირებდა სოციალიზმის «გაქეთებას» გარეშე იქაურ მუშათა კლასის პროგრამისა და გეგმისა და როცა თქვენ, მათი ბრძანებით, აპირებთ სოციალდემოკრატიის დაშლას გარეშე მისი ნება-სურვილისა.

რამდენჯერ გამოაცხადეთ თქვენ და თქვენმა სისხლიანმა პატრონებმა სოციალდემოკრატია და ახ. მარქსისტები დაშლილათ და განადგურებულათ? რა ხანია მას შემდეგ? დღეს კიდევ აპირებთ დაშლას? თუ—არ გაქვთ იმდენი გაბედულება რომ სთქვათ, რომ არავინ გკითხავთ არც დაშლას და არც აშენებას.

დასასრულ უნდა აღვნიშნოთ კიდევ ერთი გარემოება: ახალგზელებს ეთაკილებათ, როცა მათ სამართლიანათ უწოდებენ გამყიდველებს, გამცემლებს, მოლაღატეებს და სხვა. ეს, რა თქმა უნდა, სწორი და უდაო. მაგრამ მაინც შევეკითხებით «ახალგზელების» მესვეურებს: არის თუ არა გამცემლობა, როცა თქვენ, რათა დაიმსახუროთ ჩეკის ნდობა, ასმენთ მას ამხანაგებს და ორგანიზაციებს და ამით იკაფავთ გზას კომუნისტურ ტაბლისკენ? მაშ რა ეწოდება იმას, როცა თქვენ მოხსენებებზე მიღებულ შეკითხვების ბარათებს ჩეკაში აბარებთ? ნუ თუ ყველა ამის შემდეგ თქვენ კიდევ დაგრაჩათ რაიმე სალაპარაკო ან თავის გასამართლებელი? ნუ თუ ყველა ის საბუთები, რომელიც ჩვენ ხელთ არის (და რომელთა გამოქვეყნება საერთოთ ჯერ შეუძლებელია მოსალოდნელ კიდევ უფრო უარეს რეპრესიების გამო) არ არის საკმარისი იმისთვის, რომ თქვენ გიწოდოთ გააცემლები, მოლაღატენი, პროვოკატორები და სხ.

იდუშართ სრულიად გაკოტრებულ ბოლშევიზმის ფინიებო, ბუნებრივია, რომ თქვენ ბრუკვირებით და კბილებით ჩაეჭიდით მომავლად ვესპოტიკას და წყალწაღებულ რეჟიმთან ერთათ ხავს მოვიკიდოთ, მაგრამ ახლავდება ქამი, როცა თქვენი პატრონების ნამოქმედარს ისტორიას ჩავბარებთ, როცა ყველა დააფასებს თქვენს «ამაგს» და იძულებული იქნებით ხმა ჩაიწყვიტოთ.

ს ა გ უ რ ა დ ე ბ ლ ხ ა ქ მ ე .

საქართველოდან ღირშესანიშნავ ამბავს გვატყობინებენ. იქ სულ რამდენიმე პირისაგან შემდგარა განსაკუთრებული ჯგუფი, რომელშიც შედიან, ერთის მხრივ, სოციალდემოკრატიულ პარტიიდან გარიცხულნი, ხოლო მეორე მხრივ ორგანიზაციის გარეშე მდგომი ორიოდე ინტელიგენტი. «ამ ჯგუფის შეხედულება ეროვნულ საკითხში—გვეყრის საკუთარი კორესპონდენტი—არ განსხვავდება ჩვენი შეხედულებისაგან, მაგრამ მას ყრვლათ შეუძლებლათ მიაჩნია ორგანიზაციული მუშაობა. ის მოითხოვს ძირითად ორგანიზაციების დაფუძვას და ცენტრალური კომიტეტის მოღვაწეობის განსაზღვრას საქართველოსა და რუსეთის შესახებ სწორ ინფორმაციის დაგროვებით და საზღვარგარეთელ ბიუროსათვის მიწოდებით».

ძირს პარტიული ორგანიზაცია! ასეთია ამ ჯგუფის ლოზუნგი. როგორც ხედავთ, აქ მეორდება ძველი ლიკვიდატორობა, რომელიც პირველი რევოლიუციის შემდეგ წარმოიშვა რუსეთის სოციალდემოკრატიის წიაღში და თუმცა სუსტი გამოძახილი საქართველოშიც ჰპოვა. დაზოგეთ ძალები, ერიდეთ მთავრობის რეპრესიებსო— აი ლიკვიდატორთა საბუთი. საქართველოს სოციალდემოკრატიამ ეს გზა გადაჭრით დაგმო და არ ერიდებოდა არავითარ მსხვერპლს, რაიცა თან სდევდა პარტიულ ორგანიზაციათა საქმიანობას.

სწორეთ ამ ორგანიზაციების წყალობით ჩვენმა პარტიამ დიდი ომის ხანაში თავიდან აიცილა მრავალი საფრთხე და სავსებით მომზადებული დაუხვდა 1917 წლის დიდ რევოლიუციას. რომ საქართველომ თავიდან ასე ადვილათ მოიშორა გაბოლშევიკებულ-განხლებიანებელი რუსის მილიონიანი ლაშქარი, ქვეყანა აწიოკება-პოგრომებს გადაარჩინა და შემდეგ საფუძველი ჩაუყარა საქართველოს დამოუკიდებელ დემოკრატიულ რესპუბლიკას—ეს უმთავრესათ იმ თავდადებულ მუშაობას მიეწერება, რასაც საქართველოს სოციალდემოკრატია რეაქციის შავბნელ ხანაში აწარმოებდა თავის ორგანიზაციების გასამაგრებლათ და ამ გზით ხალხზე გავლენის გასამტკიცებლათ.

ცნობილია, დესპოტიის გაბატონებას მუდამ თანა სდევს ზოგიერთი ელემენტების მებრძოლ პარტიების გარეშე დაღვამა. გმირობა და თავდადება ყველას როდი მოეთხოვება. მოვა დრო, როცა მრავალი ასეთი პირი კვლავ პარტიის რიგებს შეუერთდება და საერთო საქმის მონაწილე გახდება.

აქ აღსანიშნავია ის გარემოება, რომ ზოგიერთი გამდგარი პარტიიდან გარიცხულ პირთა დახმარებით ლამობს პარტიულ ორგანიზაციის დაფუძვას და მას «მალალი მოსახრებით» ასაბუთებს. მე წავხედი, შენც წაგახდინე, სწორეთ ესაა.

განა სასწევია, რომ პარტიულ ორგანიზაციათა ლიკვიდაცია, რასაც ეს ჯგუფი ქადაგობს, საოკუპაციო ხელისუფლების წისკილის აბრუნებაა? თუ ქართველი ერი ასე მტკიცეთ მიემართება ერთზე აღებული გზით, გადაჭრით მოითხოვს დამოუკიდებელ დემოკრატიულ რესპუბლიკის აღდგენას და ვერასოდეს ვერ შეურიგდება დიქტატურას. რანაირი სახისაც უნდა იყოს ის, ეს ბევრში სოციალდემოკრატიულ პარტიის ღვაწლია, რომელსაც მაღლა უჭყრია დროშა ერის დამოუკიდებლობისა და დემოკრატიისა და მიუხედავათ აურაცხელ მსხვერპლისა პარტიულ ორგანიზაციის არსებობას დარაჯათ უდგოია.

მოსპეთ პარტიული ორგანიზაცია და ქართველი ერიც დაიქსაცხება და დესპოტიის ხელში სათამაშო საგნათ გადაიქცევა. არ დაივიწყეთ, რომ ჩეკა არ ერიდება არავითარ პროვოკაციას, რომ ქართველი ხალხი თავის ჯოჯოხეთურ მახეში გააბას და გაელიტოს. ასეთ პროვოკაციათა წინააღმდეგ არსებობს მხოლოდ ერთი იარაღი: სოციალდემოკრატიულ პარტიის გაძლიერება და მისი ორგანიზაციული დარაზმვა. ეს ნათლათ აქვს შეგნებული მებრძოლ სოციალდემოკრატიულ პარტიას საქართველოში და სწორეთ ამით აიხსნება მისი არაჩვეულებრივი გავლენა ქართველ ერზე. ამიტომაც ჩვენ ღრმათ დარწმუნებული ვართ, რომ გამდგართა ჯგუფი ვერას გახდება და მისი გეგმა პარტიულ ორგანიზაციათა საქმიანობით ადვილათ ჩაიფუშება.

ჩვენ დღითი-დღე ვუახლოვდებით ბოლშევიკურ დესპოტიის ლიკვიდაციას. იმ

ხანათ ჩვენი მთავარი საზრუნავი საქმე იქნება თავიდან ავიცილოთ ქვეყნის არეულ-არეულ-დავიწროვებულ ტალღა ანარქიისა და ხელი შევუწყვით დესპოტიის დემოკრატიულ ლიკვიდაციას. კომუნისტურ დიქტატურის ნანგრევზე უნდა აღმოცენდნენ განთავისუფლებულ ერთა დამოუკიდებელი დემოკრატიული რესპუბლიკები.

სოციალდემოკრატია მით უკეთ შესარტყლებს ამ დიდ ისტორიულ მისიას, რაც უფრო შეკავშირებული და ორგანიზაციულად დარაზმული დახვედება ამ აუცილებელ გადატეხას.

ან დიადი ისტორიული მომენტის ჩვენი რაზმების დაშლით და უორგანიზაციოდ შეხვედრა ნიშნავს ხელისუფლების მონარქისტულ-ფაშისტურ ელემენტების ხელში გადასვლას და მით დამოუკიდებლობისა და დემოკრატიისა დასამარცხებს.

ამიტომაც ჩვენ ვიმედოვნებთ, რომ ზევით აღნიშნული ჯგუფი გონს მოვა, თვითვე აღიარებს თავის შეცდომას და ლიკვიდატორობასა და პარტიულ ორგანიზაციის წინააღმდეგ ბრძოლას ხელს საბოლოოდ თვითვე აიღებს.



ს ა ქ ა რ თ ვ ე ლ ო ს ვ ი თ ა რ ე ბ ა .

(ჩვენი კორესპონდენტის ცნობა საქართველოდან)

სულსკვეთება კომუნისტებში. ბოლშევიკები და განსაკუთრებით ქართველი ბოლშევიკები ხომ, მიუხედავად მათი ბაქიობისა, მსდღნი არიან, ხოლო დღეს პირდაპირ მოიშალენ. განსაკუთრებით მას შემდეგ რაც ბუხარინმა გააკეთა მოსკოვის პარტაქტივის კრებაზე მოხსენება საგარეო საფრთხის შესახებ და გადმოსძახა ქართველ კომუნისტებს—ფიზიკლად იყავითო! ამან გამაგრების მაგივრად თავზარი დასცა ჩვენს კომუნისტებს: დადიოდნენ სოფელ-სოფელ და აკეთებდნენ მოხსენებებს ქართულ ემიგრაციის ვითომდა საინტერვენციო მუშაობაზე, ინგლისზე, პოლონეთზე და კიდევ ვინ იცის რაზე. და ბოლოს შეწუხებული სახით დაასკვნიდნენ: «ომი ატყდება, ჩვენ დავმარცხდებით, მაგრამ როგორც ერთი კაცი დავიხრცებით და მენშევიკებსაც თან ჩავიტანთ სამარეშიო!» უმატებენ—ჩვენი მემკვიდრე შავი რეაქცია იქნებაო. მთელი კომუნისტური პრესა, «ავიტ-პრობის» ვებერთელა აპარატი, «ყოფილები» ა. ხელაძის ხელმძღვანელობით ჩაბმული არიან ამ კამპანიაში. იმდენათ დამფრთხალი არიან, რომ ახდენენ საჩიტე თოფების, ხანჯლების და ლეკურების კონფისკაციას. მთელი ეს აურ-ზაური აღწევს მათი სურვილის სწორედ საწინააღმდეგო შედეგს: ქვედა ფენებმა შეიგნეს კომპარტიის დამარცხების აუცილებლობა და მათ ნაკლებათ ხიბლავს უსათუოდ მენშევიკებთან ერთად საფლავში ჩასვლა. «სახელოვან» კომუნისტურ სიკვდილს სიცოცხლე ურჩევნიათ. ამიტომაც მათ რიგებში უფრო და უფრო ხშირად გაისმის სურვილი ხალხთან საერთო ენის გამოხატვისა, ითვალისწინებენ თავის გადაარჩენის საშუალებას, ცდილობენ ხალხს დაუახლოვდნენ, სამსახური გაუწიონ მათ, ვისაც გუშინ ციხეში აჯენდნენ.—«მართალია მამარცხდებით, მაგრამ იკითხონ თავებმა, თორემ მე რა მიჭირს—ხალხისთვის ცუდი არაფერი მიქნია, მე რას მერჩიან?»—ო, ასე მსჯელობს ესლა ქვედა ფენების კომუნისტი.

არც ერთი ქვედა წრეების პარტიული დღეს კომუნისტებისათვის საიმედო არ არის. ამიტომაც, თუმცა დიდი რეპრესიებია, მაგრამ ზოგიერთ ძველებურ ზომებს, როგორც იყო პარტიულების ყარაულობა (მაგალითად, ობოლადის დროს გურიაში და კახეთში) ისინი ვეღარ ატარებენ...

ქერა... გადასახლება... ამ წლის დამდეგიდან მასიურმა ქერამ სისტემატიური ხასიათი მიიღო: გურიაში, ჭიათურაში, სამტრედიაში, ქუთაისში, თფილისში და ბათუმში. მოპყრობა ჩეკაში და ციხეში ტუსალებისადმი ძველებურათ აუტანელია. განსაკუთრებით აწამებენ ახალგაზდობას. ერთი ახალგაზდა, კიკვაძე, ცემისაგან ჭკუაზე შეიშალა და ამჟამათ საავადმყოფოშია. არ ერიდებიან არც ძველ სახელგანთქმულ რევოლუციონერებს. გადასახლებიდან ახლად დაბრუნებული ამხანაგი კ. კანდელაკი კვლავ დაატუსაღეს და 6 თვე ჩეკა-ციხეში სტანდეს და აწვალეს, ბოლოს კი სხეებთან ერთად რუსეთისაკენ გაუქანეს. ტუსალებს სასჯელს სამშობლოში აღარ ახდევინებენ, ყველას რუსეთში აგზავნიან და ისიც რუსეთის ყველაზე უფრო ცივ ადგილებში. საკატორღო ციხეებში. ხალხი ვალატაკებულია, არავის არ აქვს საშუალება თბილი ტანი-

სამოსის შექმნის. თან გადასახლება ისე სწრაფათ, მოულოდნელათ ხდება, რომ ჩსს-ის კი, ვისაც საშვალეობა აქვს. ვერ ასწრებენ მომზადებას. ყველა გადასახლებულს მოელის სიცივისა და დაავადებულობა, თუ არ სიკვდილი; შიმშილის ნულა იკითხავეთ. ასახლებენ ხალხს არა მარტო პოლიტიკური ბრალდებით, არამედ მოსდებენ ხშირად კონტრბანდის ტარებას ან «ვალუტჩიკობას» — ასეთია ბრალდება და მისი დამტკიცებისათვის ხომ თავს არავინ იწყნებებს. ქერა და გადასახლება თანდათან მატულობს.

უქანასკნელად გაგზავნეს 65 კაცისაგან შემდგარი ჯგუფი გადასახლებულთა.

ამერიკელ მოქალაქის დახვრეტა. 1924 წლის ზაფხულში თბილისში ჩეკამ დაპატიმრა ამერიკის ქვეშევრდომი ინჟინერი ალბერტ კუდრეტონი (კუდრია-შევი), რომელსაც ამერიკიდან საქართველოში ჰქონდა ჩამოტანილი დიდი ღირებულების სასოფლო-სამეურნეო იარაღები. ამდენი ხნის წვალეების შემდეგ (ორ წელიწად ნახევარი ჰყავდათ ჩეკაში) ის დახვრიტეს და მისი ქონება კი მიითვისეს. ბრალსა სდებდნენ ვითომ შპიონობაში.

განსვენებული გაეცნო და დიდი პატივისმცემელი იყო ყველა იმ ჩენი ამხანაგების, ვინც ამ ორი წლის განმავლობაში მის საკანში გაიარა. ის მოწამე იყო 24 აგვისტო-სექტემბრის დახვრეტების.

ისევ მაგარი კურსი სოფლად. ოპოზიციის მემარცხენე ფრაზების გაგლეწით სოფლად ტარდება «ახალი კურსი», ახალი — გასულ წელთან შედარებით. მაშინ კომუნისტებში ერთგვარ ლიბერალურ გადახრას ჰქონდა ადგილი: საბჭოთა არჩევნებში დანიშნვის მეთოდი თითქოს მოხსნეს, შეამცირეს გადასახადები, გლეხებს დაუწყეს ოდნეუ ადამიანურად მოპყრობა და სხვა... წელს კი ისევ 1921 წლის პირობები აღადგინეს. ერთის მხრივ მასების აქტივობამ იძულებული გახადა ბოლშევიკები ამ წლის დამდეგს ჩატარებულ არჩევნებში ისევ დანიშნული მეთოდისათვის მიემართათ, რათა თავიდან აეცილებიათ სკანდალური შედეგები; მეორეს მხრივ, ოპოზიციის გაგლეწვამ და სახაზინო ჯიბის დაკარიგებამ გამოიწვია სასოფლო-სამეურნეო გადასახადების შესამჩნევად ზრდა. გადასახადის არ გადახდას მოყვა მთელ რიგ მაზრებში საწინდრების მილიციის საშვალეობით ჩამორთმევა. ყველამ მოიგონა მეფის რეჟიმი: მაშინ მაინც გადასახადები ნაკლები იყო.

ჩეკა პროვოკაციას სთესავს. ადვილათ გაიგებთ, რომ აწერილ პირობებში მეტათ დიდი მანხეობა აქვს ყოველგვარ პროვოკაციას და ჩეკა კიდევაც სცდილობს პროვოკაციების მოხდენას: ასე მაგალითად დაყარეს ხმა ბათუმის რაიონში — უორდანი და რამიშვილი სახლვარზე არიან მომდგარი და თან მოყავთ ოსმალეთის ჯარიო. ისე მოხერხებულათ გავერცხვლებით ეს ხმა, რომ ბეერს გულწრფელათ დაეჯერათ. მაგრამ ჩეკას მოენდომა ამ პროვოკაციის გაფართოება და შიგ გუტიის ჩათრევა. აქ კი მაშინვე მიხვდნენ ვისი ხელიც მუშაობდა და მთელი მოწყობილი პროვოკაცია ჩეკას ჩაუშალეს. ჩენი ორგანიზაციები გამოდგებიან აფრთხილებენ ხალხს არ აყვებს ჩეკის მიერ გავრცელებულ პროვოკაციულ ხმებს და არ მისცეს მტერს საშვალეობა მისი პროვოკაციულ განზრახვების ასრულებისა.

კვლავ «სწმენდენ» დაწესებულებებს. თფილისში მეტისმეტათ მძიმე მდგომარეობა შეიქნა. შეუდგენ დაწესებულებების «გადახალისებას». ძველ მუშაკებს, ვინც პოლიტიკურათ არა საიმედოთ მიაჩნიათ, ითხოვენ სამსახურიდან. მათ ადგილას ნიშნავენ ყოვლად უეცრ კომკავშირელებს და საზოგადოთ თავიანთ ხალხს. ითხოვენ «უქლონისტებსაც», ვისაც «ცოდება» არ მოუნანებიათ.

«ყოფილები» აბეზლებენ... «ყოფილ ახალგაზდა მარქსისტებმა» დაიწყეს სასწავლებლებში მოხსენებების ჩატარება: მოუწოდებენ მოწაფეებს დასტოვონ ძველი გზა და შეუერთდნენ კომკავშირელებს. ამ კრებებზე მომხსენებლებს აძლევენ აუარებელ შეკითხვებს წერილობით და ზოჯგერ სიტყვიერადაც გამოდიან მათ წინააღმდეგ. შეკითხვების ავტორთ, კომუჯრედის და ყოფილების დაბეზლებით, განათლების კომისარიატის განკარგულებით ითხოვენ სასწავლებლიდან, ხლოო ჩეკა აპატიმრებს დათხოვნილთ. ამის გამო სასწავლებლებიდან დათხოვნილ და შემდეგ დაპატიმრებულ იქნა რამოდენიმე ათეული მოწაფე.

«დელეგაციები». სხვადასხვა ქვეყნის «მუშათა» თუ სხვა ორგანიზაციების «დელეგაციების» სვლამ რუსეთში და იქიდან აუცილებლივ ჩვენშიც მოარულ სენის ხასიათი მიიღო. მათი ნებაა ისიერონ და იქეიფონ ამ სუფთა ჰაერზე; ამის მეტი შედეგი რომ არ ჰქონდეს მათ მოსვლას ჩვენში, სადარდელი არაფერი გვექნებოდა. მაგრამ

საქმე იმაშია, რომ თვითეული დელეგაციის ჩამოსვლას თან სდევს წინასწარი მასშტაბის დაპატიმრება; არც დელეგაციის წასვლა ბოლოვდება უზარალოთ: გარდა ფიზიკური ზიანისა რეპრესიების სახით დელეგაციების მოგზაურობა და მათი შემდეგი საქციელი გვაყენებს იდეურ ზიანს: ჩვენი მუშები და გლეხები, რომლებიც 30 წლის განმავლობაში მუშათა სოლიდარობის იდეებზე იზრდებოდნენ, პირდაპირ აღშფოთებაში მოჰყავს დელეგაციების დეკლარაციებს, დაწერილს ერთდამივე მანერით ტირანების საქებასადიდებლათ. თანდათან, წვეთწვეთობით ჩვენი მუშების გულში ინერგება გულგაცრუება მუშათა სოლიდარობაზე, ინტერნაციონალიზმზე, სხვადასხვა ქვეყნის პროლეტარათა ინტერესების ერთიანობაზე. ფუჭდება არა მარტო სადღისო საქმე, ზიანდება სამერმისო საქმეც...

გადასახლებულის წერილი გზიდან. «... ჩვენი გადმოსახლების წინა დღეებში კვლავ დაიწყო დაპატიმრებულთა დენა საქართველოს ყოველი კუთხიდან მეტეხის ციხისკენ. სიანს ჩეკა კვლავ განაგრძობს მასიურ დაპატიმრებას. მეტეხში ტყვა აღარ იყო. 15 კაცის ადგილზე 30-40 კაცი. ზოგიერთები კიდევ ფიქრობენ გაძრომის პოლიტიკის წარმოებას და ამ მიზნისათვის «ვაპრობას» მართავენ ჩეკასთან. ამ საქმეში დიდ როლს თამაშობს ფაქტით წოდებული მუშათა კომისია, რომელსაც აჯანყების შემდეგ ერთი კაციც არ გაუშვია ციხიდან, ხოლო თავისი დაპირებული ქმნის პატიმრებში ნერვიულობას. ასე იქცეოდა ის ყოველთვის და ასე იქცევა ამ ეამადაც. მეტად სამწუხაროა, რომ ხშირათ პატიმართა პირისუფალნი ტყვერლათ იმცირებენ თავს ამ მოლაღატეთა კომისიასთან მისვლით ყველამ უნდა იცოდეს, რომ ყხლა ჩეკის კლანუებიდან ხელწერილით დაძრომა ნიშნავს ჩეკის ჯაშუშთ გახდომას.

მისკოვმა საქვეყნო დააკეთა პროვოკაციული განცხადება—«საზღვარგარეთ დაადგინეს კვლავ მოაწყონ აჯანყება საქართველოში»-ო. და თავის ყურმოპირულ მონებს—ქართველ ბოლშევიკებს უბრძანა მიაქციეთ ამას ყურადღებაო. მათაც არ დააყოვნეს და გააჩაღეს კამპანია, ხოლო ამ შემთხვევაში მათ ამჯობინეს სტენაზე გამოყვანათ ისინი. ვინც თავის პირად კეთილდღეობისთვის ოცდაათ ვერცხლათ გაჰყიდეს საქართველო და მუშათა კლასის ინტერესები და რომელთაც სირცხვილის ნატამალიც აღარ გააჩნიათ. ასეთი ხალხია: პ. გელეიშვილი, კ. სულაქველიძე, ა. ხელაძე, ივ. გომართელი, კ. გოგოლაძე და კამპანია. მათი განცხადება ჩვენ არ გვაკვირვებს, რადგანაც ეს ყველა ჯურის რენეგატთა და მოლაღატეთა ბუნებაა, წინააღმდეგ შემთხვევაში მათ მოაკლდებოდათ საქვეები ბოლშევიკთა სუფრიდან. ჩვენ მხოლოდ გვაშფოთებს და გვაკვირვებს ის მდგომარეობა, რომ ნაძირალებთან და ჯაშუშებთან მიდიან და მათ ესმატებილებიან ისეთებიც კი, რომელთაგანაც არ მოველოდით ჩვენი ერის და პარტიის დალატს. ხსენებულ მოლაღატეთა ჯგუფი ჩეკის ბრძანებით უშვებს საპროვოკაციო ყურნალს «ახალი გზა»-ს და ეწევა ჩვენ წინააღმდეგ ისეთ საწინაღობ კამპანიას, რაც აღბათ თავით კომპარტიასაც სათაკილოთ მიაჩნია. ეს ვაებატონები პირდაპირ ჩეკისტურათ ვიწვებენ კითხვას: «ან მოიწონეთ ჩვენი მუშაობა, ან დაიწუნეთ; ვინც ჩვენთან არ არის, ის რამიშვილიზმის მომხრეა. ან ჩვენთან ან რამიშვილთან, ან აქ ან იქ». აი მათი ახალი გზა.— ამით ისინი აძლევენ ჩეკას ხელში, ყველა იმათ, ვინც მათებრ არ კისრულობს ჩეკის აგენტობას. ამით ისინი ჩეკას ანებლებენ იმ ხალხს, რომლებიც იძულებული არიან პოლიტიკის გარეშე დადგნენ. ჩეკაც უსმენს ამ გამცემლებს და აპატიმრებს ყველას, ვინც მონურათ ქედს არ იხრის მის წინაშე. სისხლიანი ხელისუფლება ვერ ძლება ქართველი ხალხის სისხლით. მისთვის საკმარისი არ არის მრავალი ათასი, ვერაგულათ დახვერტლ-დახოცილი. დღიდან საქართველოს დაპრობისა განუწყვეტლივ იღვრება ქართველი ერის საუკეთესო შვილთა სისხლი. თავისუფლებისათვის თავდადებულ მეტროლოდ ზურგზე ბარგაკიდებულთ ყოველდღე აშორებენ თავის ძვირდას სამშობლოს სახლვრებს და მიგრეკებიან სოლოვეკის კუნძულებზე და რუსეთის სხვა გადაკარგულ კუთხეებში. და ჩვენ ყველა, ვინც უკვე ვიმყოფებით. ხელისუფლების კლანკეში, მიტანილი ვართ სამსხვერპლოზე და გამზადებული დასაწავათ... უფლებას მივცემთ ჩვენ თავს ვკითხოთ ყველა იმას, ვინც გვერდში უდგას სულმდაბალ ახალგაზლებს და თავის შეფარებას ცდლობს ბოლშევიკების კალთის ქვეშ: რათ ისვრით ხელებს ჩვენს სისხლში? ნუ თუ თქვენ გსურთ გაიანაწილოთ პასუხისმგებლობა ყველა იმ ბოროტმოქმედებაში და სისაძაველი, რაც ჩაიდინეს ბოლშევიკებმა ჩვენში? ნუ თუ თქვენ თანახმა ხართ იმისი, რომ ქართველი მეტროლოდნი იხვრიტებოდნენ და ზოგი რუსეთის ყინულოვან რაიონებში იგზავნებოდნენ? ჩვენ ვიცით, რომ მათ ჯოჯოხეთურ პირობებს უქმნიან,

ძალას ატანენ, ტერორს ქვეშ აყენებენ, მაგრამ ჰეროს გაძლება უნდა. რამდენადაც შეგვიძლია ვავერკვეთ ბოლშევიკურ პრესიდან, ჩვენ ვდგევართ დიდი ამბების წინაშე: წყდება დიდი მსოფლიო კითხვები და დღის წესრიგში დგება საბჭოთა რუსეთის და მის მიერ დაპყრობილ ერთა ბედობლიც. ეს გვიკარანახებს არა იმის ქადაგს, რომ ბოლშევიკებმა სამოთხე დაამკვიდრეს საქართველოში, არა ისეთ მოქმედებას, რომელიც ადასტურებს და ამართლებს ბოლშევიკების თარეშს საქართველოში და მათ მძაფრ რეპრესიებს, არამედ სულ სხვა რამეს. ჩვენ ვფიქრობთ, რომ მებრძოლმა, მუშებმა, ინტელიგენციამ და ახალგაზდობამ, რომელთა დაპყრობას ასე სცილობდა ჩვეა, სულ სხვა გეზი უნდა აიღო. მსხვერპლის ვალებას არ უნდა ვერიდოთ, განსაკუთრებით ინტელიგენციამ ხმა მაღლა უნდა აღიაროს. რომ ხელისუფლებამ შესწყვიტოს რეპრესიები ქართველი ხალხის წინააღმდეგ, შექმნას ნიადაგი ყველა საღაო კითხვების მშვიდობიანი გადაწყვეტისათვის, მისცეს ხალხს საშვალეა თავისუფლათ გამოაქვადნოს თავისი გულის ნადები. უკეთუ ასეთ გმირობას ვერ გამოიჩენს ჩვენი ინტელიგენცია, უმჯობესია გაჩუმდენ და ხელს ნუ უწყობენ მტრებს ქართველი ხალხის განადგურებაში.

ყველა უნდა იდგეს თავის სიმბლენზე და პირნათლათ ასრულებდეს ისტორიის დავალებას. ყველა უნდა ცდილობდეს არ დაიმსახუროს ერის უღირსი შვილის სახელი. ამას ვამბობთ იმათ გასაგონათ, ვისაც ჯერ კიდევ არ დაუქარგავს პასუხისმგებლობის გრძნობა ერისა და პარტიის წინაშე.»

გადასახლებული ს კერძო წერილიდან. «... ფოსტი თრი წერილი მოვიწერე. მათი შინაარსი სინამდვილეს არ შეეფერება, რადგან ოფიციალურათ გამოვავახანე. მეძლევა საშვალეა კერძო ბარათის მოწერის და გაწევი ჩვენი მგზავრობის სწორ ამბავს. ეტაპის საშინელება ვიგრძენით თფილისიდან გამოვსვლისთანავე. ვაგონში უადგილობა, უწყლობა მთელი დღეებით, მხეცი, უკულტურო «ონვორები» და ხელპირ დაუბნალობა, — აი რა ახასიათებდა უმთავრესათ ჩვენი მგზავრობას თფილისიდან ბაქომდე. არ შეგვედოა ლაპარაკი ხმამაღლა. დაძინება (უადგილობის გამო). ფეხზე გაჩრება და ფანჯარაში გადახედავი კი. «ონვორები» მიმართულ კითხვების პასუხათ დედის გინებით და უშვერი სიტყვებით გვიმასპინძლება და ამის გამო ყრუ საყვედურის გამოთქმისათვის ხმალსა და რეგოლვერს გვიპირდაპირებდენ. ასეთ პირობებში მოგვიხდა თფილისიდან ბაქომდე მგზავრობა. ალბათ ასეთი ექსკურსიაა ჩვენი ხვედრი დანიშნულ ადგილზე მისვლამდის. ერთი დღის და ლამის დატანჯვის შემდეგ, როგორც იყო ჩავედით ბაქოში. აქ ვაგონიდან ვაგონში გადაგვსვეს და გამოვეშურეთ პეტროვსკში. შეუძლებელია კალმით აწერა იმის, თუ რას წარმოადგენს პეტროვსკის ციხე, სადაც კარგა ხანი დაყვავით. ვერ ვიფიქრებდი თუ ასეთ სიბინძურეს ადგილი ექნებოდა სახელმწიფო დაწესებულებაში. ბინძურ, ტილებიან, ნოტიო, ნახევრათ დანგრეულ პატარა საკანში 40 კაცი მოგვათავსეს. შიგ აუტანელი სუნია. ძილი შეუძლებელია ამ სუნის გამო. დღე და დამე დაკეტილში ვართ. სეირნობას მხოლოდ ერთხელ გვაძლევენ და ისიც რამოდენიმე წუთით (10). სეირნობას თავის კანონები აქვს: პირდაპირი სიარული არ შეიძლება, წრე უნდა აკეთო და თუ გაგიწერა ღმერთი და წრეს გადაციდი, საკანში დაგაბრუნებენ. ცხადია, დღეში ორჯერ ადამიანს ბუნებრივი მოთხოვნისთვის დაკვამოფილება უნდა. საკნის გვერდით ფეხისადგილია მოთავსებული, მაგრამ ბევრი ჩვენგანი კუჭის ტკივილს, თავშეკავენას არჩევს იქ გასვლას. რატომ? იმიტომ რომ იქ სიარული სარისკოა. სანიტარულ-ჰიგიენური მოსახრებაც რომ არ მიიღოთ მხედველობაში და მათ გარეშე გასაჯლო—ფეხისადგილში გასვლა საშიშია მხოლოდ იმიტომ, რომ შიგ არ ჩაიხრჩოთ—ყელამდე შარდი სდგას. ასეთია ჩვენი ცხოვრება. ბუნებრივით ისმება კითხვა: ნუ თუ ყოველივე ამას ჩვენ, პოლიტიკური ტუსაღება, არაფერს უპირდაპირებთ? არა და იმიტომ, რომ ბრძოლა შეუძლებელია. გადაწყვეტიტე როგორმე მოვითმინოთ, უსიტყვოთ დავემორჩილოთ ჩვენს მბრძანებლებს, სანამ აქედან გავამგზავრებდენ. მიუხედავათ ასეთი პირობებისა, მტრის გულის გასახეთქათ—ყველანი ყოჩაღათ ვართ. არავითარი ავთიმყოფობა არ გვაწუნებს და სულიც მაგარი გვაქვს. ვიცოდი შენ და ყველას გაინტერესებდათ ჩემი მგზავრობა და ამიტომ მოგწერეთ, თორემ განა ღირს ამის შესახებ წერა? მოგიკითხათ ყველამ.»



ანჯაფარძის გასამართლება.

ეს მეორე საჯარო გასამართლება ჩვენი ამხანაგების და ორივე შემთხვევაში ისინი გამარჯვებულნი გამოვიდნენ; ხელისუფლება ოვივეჯერ ჩაიჭრა. ანჯაფარძის პროცესი დიდი მზადების შემდეგ დაიწყო. ჯერ ქვეყანა გააყრუეს ჯაშუში დავიჭირეთ, პოლონეთის შტაბის აგენტი ხელში ჩაგვივარდა და ამ ჰანგზე აწრიპინეს ყველა მოყიდული კალმები. მარა როცა საქმე მიდგა საქმეზე, გამოჩნდა რომ მთელი ეს წრისინი უბრალო სააგიტაციო ფანდები იყო. ანჯაფარძე დანაშაული ყოფილა იმაში, რომ ის სოციალდემოკრატია, თავის ქვეყნის დამოუკიდებლობის მოტრფიალუა, არა-ლეგალური მომუშავეა—ერთი სიტყვით გაბედული, თავდადებული რევოლიუციონერია. ასეთი მოღვაწე ბოლშევიკებს ახლა მეტათ ეუცხოვრებთ, უნაგარო მებრძოლი მათვის იგივეა, რაც ხარისათვის წითელი ფერის ჩვენება. და აი, პროცესზე ატყდა დიდი განგაში. წამოაყენეს ცრუ მოწმეები, პროვოკატორები და ჯაშუშები, ვილაცამ იქამდისაც კი მივიდა რომ განაცხადა—ვენკოვი პარიზში იყო სოც. დემოკრატიულ ბიუროსან მოსალაპარაკებლათო, იტყუეს. იცრუეს, სწერეს კიდევ მეტი და ბოლოს, როცა ანჯაფარძის წინააღმდეგ შეთხზული ხუხულა დაიფუშა, მას ბრალდებთ წაუყენეს დამოუკიდებელი საქართველოს საქმეები, გამოიყვანეს ამ საქმეების მთავარ პასუხისმგებელ პირათ და გამართეს სასამართლოს კომედია—საბრალმდებლო სკამზე დააჯინეს საქართველოს დემოკრატიული რესპუბლიკა. თუმცა ანჯაფარძე არ იყო ამ რესპუბლიკის საქმეთა ახლო მონაწილე, არ იყო მასში მეთაურებივით ჩახედული, მარა მან გამოიჩინა საკმაო სიმამრე, ცოდნა და გამბედაობა, რომ ყბედი მოწინააღმდეგენი ემხილებია. მათთვის პირში ბურთი ჩაეხარა და თავისი სამშობლო ღირსეულათ დაეცვა. მას მალა ეჭირა თავისუფალი საქართველოს დროშა და ის ერთხელაც არ დაუწევია დარბაზში მორეკილ ბრბოს წინაშე. მან შეასრულა თავისი მოვალეობა თავის პარტიის და ქვეყნის წინაშე და არ დაემსგავსა იმ რენეგატებს, რომელთაც ოცდაათ ვერცხლათ გაჰყიდეს პარტიაც და ქვეყანაც. ქართველი ერის ტანჯული სული ანჯაფარძეებში მოკვებს თავის გამოხატულებას. ამ თავის რწმენის ერთგულებისათვის ის იღებს რვა წლის ციხეს, ხოლო გელეიშვილები რწმენის მოალატეობისათვის—ჯილდოს და ფუფუნებას. რამდენი ანჯაფარძენი იტანჯებიან ტყვეობაში გაუსამართლებლათ, მათი ხმა ჩვენამდე არ აღწევს. ხარკოვის პროცესმა ვააცნო უკრაინას მებრძოლი საქართველო, მისი მისწრაფება და მუშაობა. ბოლშევიკური პროცესი მებრძულ და მთ წინააღმდეგ და ეს მუდამ ასე იქნება, როგორც კი სინბელეში მოუახრაკებულ ბორეტებას სინათლზე გამოიტანენ. ანჯაფარძემ საკმაო ნათლათ გაერკვა მის წინააღმდეგ დაგებულ ქსელში და იქიდან წმინდათ გამოვიდა, მან გაიმარჯვა მორალურათ.

წ გ რ ი ლ გ ბ ი ნ გ ლ ი ს ი დ ა ნ.

IV.

1. ლორდთა პალატის რეფორმა.
2. ანგლო-რუსული კომიტეტი.
3. ტერორი რუსეთში და ინგლისის მუშათა კლასი.
4. მემალაროეთა კონფერენცია.

ლორდთა პალატა შესდგება 720 წევრისაგან. მთავრობის პროექტის ძალით განზრახულია ეს რიცხვი შეამცირონ 350-დ. დიდი უმრავლესობა ამ 350 წევრისაგან არჩეული იქნება თვით ლორდების მიერ. აქამდე კი, როცა კონფლიქტი ხდებოდა თვითა და ლორდთა პალატებს შორის და ეს კონფლიქტი კრიზისის ხასიათს იღებდა, მთავრობის თავმჯდომარეს უფლება ჰქონდა მეფისათვის წარედგინა ლორდთა პალატაში შესაყვანი ახალი წევრების სია. მეფე ამტკიცებდა ამ სიას, ინიშნებოდა ახალი წევრები ლორდთა პალატაში და ეს უკანასკნელიც დაბოლოს იძულებული ხდებოდა ქედი მოეხარა. დღევანდელი პროექტის ძალით კი, თუმცა მთავრობის თავმჯდომარეს ეძლევა უფლება მეფეს წარუდგინოს დასამტკიცებლათ ლორდთა პალატაში შესაყვან ახალ წევრების სია, მაგრამ ამ დანიშნული წევრების რიცხვი ისე მცირეა, რომ მას არა-

ვითარი გავლენა არ ექნება თვით პალატის შემადგენლობაზე. დღეს ლორდთა პალატას არ აქვს უფლება პარლამენტის მიერ მიღებულ ფინანსიურ ზომებში რაიმე შესწორება შეიტანოს, ან უარყოს ის. განზრახული პროექტით კი ლორდთა პალატასაც ექნება უფლება ამ საკითხში მონაწილეობა მიიღოს და ამ საფეროში ქვედა პალატის მუშაობა შეაფერხოს. ლორდთა პალატას ეძლევა საშუალება ბიუჯეტის დამტკიცების საკითხი თვეობით გააქიანუროს, ან უარყოს ბიუჯეტი და მით ყოველივე მთავრობის არსებობა შეუძლებელი გახადოს. მაგრამ ყველაზე უარესი ის არის, რომ პროექტის ძალით პარლამენტს ერთმევა უფლება ჩაერიოს ლორდთა პალატის კონსტიტუციის საკითხში. მაგალითად შეიძლება მომავალ არჩევნებში ოპოზიციამ გაიმარჯვოს. მთავრობა შეადგინოს მუშებმა ან ლიბერალებმა, მაგრამ ძალა უფლება კი ლორდთა პალატის საშუალებით მაინც კონსერვატორების ხელში დარჩეს.

ამ პროექტმა უკმაყოფილება გამოიწვია არა თუ მუშების და ლიბერალების წრეებში, არამედ თვით კონსერვატიულ პარტიაშიც. ამ უკანასკნელის გამოჩენილი წევრები საჯაროთ აცხადებენ პროექტის საერთო მდგომარეობასან შეუფერებლობას. მათის აზრით პროექტის წყალობით შესაძლებელია მომავალ არჩევნებში კონსერვატიულ პარტიის განადგურება. პარტია ამ საკითხში თითქმის ორ თანაწორ ჯგუფათ გაიყო. მთავრობა იძულებული გახდა გაეცხადებინა, რომ მისი პროექტი ჯერ მხოლოდ წინადადებებს წაუთმადგენს, რომელიც საჯაროთ გარჩეული იქნება, რათა მთავრობამ კრიტიკა და შენიშვნები სახეში მიიღოს. ეს უკან დახევია, მარა ამით პროექტი მოხსნილი არ არის. პროექტის ბედი და შანაარსი დამოკიდებულია კონსერვატორების პოზიციანზე—რამდენათ შესძლებს მთავრობა შეათანხმოს თავის პარტიაში სხვა და სხვა შეხედულებანი, რათა შემდეგ პარტიის მიერ ზურგგამაგრებულმა შეიტანოს პროექტი ამ პალატაში, რომელსაც კიდევ ერთი წლის სიცოცხლე დარჩენია.

ბევრი დრო და ენერგია დაინარჯა ანგლო-რუსული კომიტეტის დასაარსებლათ უნდა ითქვას მან დიდი სამსახური გაუწია მოსკოვს. ანგლო-რუსული კომიტეტის წევრების—პერსელის, ბრამლიის, ტილეტის, ჰიკსის და ბრომლიის—წყალობით იყო, რომ ერთ დროს ინგლისელი ტრედუნიონები ბოლშევიზმადღენ. ბოლშევიზმათ ფრთა იმდენათ ძლიერი იყო ინგლისის მუშათა მოძრაობაში, რომ მან დიდი გავლენა იქონია მაკდონალდის მთავრობაზე რუსეთის ცნობის და რუსეთ-საქართველოს ერთმანეთთან დამოკიდებულების საკითხში. გასულ წლების განმავლობაში რომ ინგლისელი ტრედუნიონები გზაბნეული არ ყოფილიყვნენ, მათ რომ ნათელი წარმოდგენა ქონოდათ საბჭოთა რეჟიმზე და მის ხელმძღვანელებზე, რუსეთში დღეს სხვანაირი მდგომარეობა იქნებოდა.

ინგლისელების თვალების ახელა იწყება გასული წლის მაისის საყოველთაო აფიცვისა და ბორნემუთის ტრედუნიონთა კონგრესის დროიდან. მაშინ ინგლისელებმა უკვე ნათლათ დაინახეს, რომ ბოლშევიკების გარკვეული მიზანი იყო ინგლისის მუშათა მოძრაობის არე-დარევა და მისი თავის იარაღათ გახდა. ინგლისელებმა იმ დროს რუსებს შედიდური პასუხი გასცეს და კარებზე მითითებით დემუქრდნ. ამის შემდეგ ბოლშევიკებისადმი პატივისცემა და ყურადღება თანდათან ნელდებოდა და მცირდებოდა. დაბოლოს, როცა ბოლშევიკები აქედან გააძევეს, ამ თავისთავათ დიდ ფაქტს არავითარი გამოძახილი არ გამოუწვევია ინგლისის მუშათა კლასში. ბოლშევიკები შეშფოთდნ. მორთეს ყვირილი ომის საშიშროებაზე და სთხოვდნ ინგლისელებს ომის საწინააღმდეგო დემონსტრაციები გაემართათ მთელ ინგლისში. ყველა ამ კითხვების გასარკვევათ და სათანადო ზომების გამოსამუშავებლათ კი მათი აზრით დაუყოვნებლივ ანგლო-რუსული კომიტეტი უნდა შეკრებილიყო.

გასულ ივნისს 17-ს ბერლინში შეხვედნ ერთმანეთს ანგლო-რუსული კომიტეტის ორ-ორი წარმომადგენელი. ინგლისელებმა განუცხადეს რუსებს, რომ ეს უკანასკნელნი მეტათ უპარბებენ რუსეთის წინააღმდეგ ომის საშიშროებას და რომ ინგლისელები საჭიროთ არ ცნობენ დემონსტრაციების მოწყობას ინგლისში. რუსები კი თავისას გაიძახოდნ და თხოულობდნ მოწვეულ ყოფილიყო ანგლო-რუსული კომიტეტის პლენარული სხდომა. ცხადია, რუსებს ომის საწინააღმდეგო დემონსტრაციების მოწყობა ინგლისში სურდათ არა ომის თავიდგან ასაცილებლათ, არამედ საზოგადოებრივი აზრის ბოლშევიკების სასარგებლათ მოსამართავათ და ინგლისის მუშათა კლასში უკვე

დაკარგულ სიმპატიის და პრესტიჟის აღსადგენათ. ანგლო-რუსული კომიტეტის მომადგენელნი ბერლინში ვერ შეთანხმდენ- 20 ივნისს გენერალურმა საბჭომ მოუსმინა უკან დაბრუნებულ დელეგატებს რუსებთან თათბირის შესახებ და მიანდო სპეციალურ კომისიას რუსებისათვის წერილობითი პასუხის შემუშავება და მისი შემდეგ კრებაზე წარდგენა. მოსკოვმა და ადგილობრივმა კომუნისტებმა პასუხის ამდენი ხნით დაყოვნება გაიგეს როგორც ნამდვილი საბოტაჟი გენერალური საბჭოს მხრივ და ანგლო-რუსული კომიტეტის აბუჩათ აგდება. ეს მართლაც ასეა. გენერალური საბჭოს შემდეგი სხდომა იყო 15 ივლისს. მაგრამ რუსების საპასუხო წერილის დღესაც არაფერი ისმის.

ამგვარათ ანგლო-რუსული კომიტეტის მზე ჩაესვენა. ფაქტიურათ ის უკვე მკვდარი ორგანიზაციაა.

ტრედუნიონების გენერალურმა საბჭომ. თუ გნებავთ, გასცა კიდევ რამდენიმეთ პასუხი ერთ თავის აქტში: 22 ივნისს გენერალურ საბჭოს და მუშათა პარტიის ეგზეკუტივის შეერთებულ სხდომაზე გამოტანილ იქნა მეტათ მკაცრი რეზოლიუცია ვოიკოვის მოკვლასთან დაკავშირებით ბოლშევიკების მიერ მასიურ ხვრეტის განახლების გამო. ინგლისში არ დარჩენილა არც ერთი მუშათა გაზეთი, რომელსაც შესაფერათ არ დაეფასებოოს ბოლშევიკების ბარბაროსობა და არ გაეფრთხილებოოს ისინი. მუშათა მოძრაობის ერთი ცნობილი ხელმძღვანელთაგანი—ჰერბერტ მორისონი—ტრედუნიონების და მუშათა პარტიის ოფიციალურ ორგანოში—«ლეიბორ მაგაზინში»—შემდეგ სწორდა: «ვოიკოვის მკვლელობა საძაგელი შეურაცყოფა იყო, მაგრამ ის არ იყო უფრო მეტი იმ საძაგელ შეურაცყოფაზე, რომელიც რუსეთის კომუნისტურ მთავრობას სოციალდემოკრატიისთვის მიუყენებია. მე მეტათ კმაყოფილი ვარ, რომ გენერალურმა საბჭომ და პარტიის ეგზეკუტივმა ახლა ნათელყო ჩვენი პოზიცია. ამ მკვლელობაში ბოლშევიკები ყველას ბრალს სდებენ და ოცი კაცის გაუსამართლებლივ დახვრეტით სისხლის წყურვილს მხეცურათ იკმაყოფილებენ. ეს კი მაჩვენებელია არა მათი სიმავრის და წონასწორობის. არამედ იმ პანიკის, ნერვიულობის და სიძულვილის. რაც ასე ახასიათებდა მეფის რეჟიმს და რაც ასე ახასიათებს დღეს კაპიტალისტურ მთავრობებს იტალიაში, უნგრეთში და ბალკანეთში». ამ უკანასკნელ წლების განმავლობაში ბოლშევიკები ვინა ათასჯერ უფრო მეტ სიმხეცეს და ბარბაროსობას არ ჩადიდენ რუსეთში და საქართველოში? მაგრამ მაშინ ბოლშევიზანობით დაბრმავებული ინგლისელები თვალს არიდებდენ აღმაშფოთებელ ფაქტებს. კარგი რომ ესლა გაცილებით უფრო ნაკლებსაც მიაქციეს ყურადღება.

ივლისის დამლევს ქ. საუთპორტში შეიკრიბა მემლაროთა წლიური კონფერენცია. რომელსაც ყველა დიდის ინტერესით მოკლდა. გასული წლის გმირული ბრძოლის შემდეგ ეს პირველი წლიური კონფერენცია იყო; ამ ბრძოლის ანგარიშის გარდა მას უნდა გაეცა პასუხი შემდეგ სამ კითხვაზე: 1) ინგლისელ და რუს მემლაროეთა კომიტეტი, 2) კომუნისტურ პარტიის მუშათა პარტიაში დაშვება და 3) მემლაროეთა ფედერაციის რეორგანიზაცია.

ანგლო-რუსული კომიტეტის მარცხმა დიდი აურზაური გამოიწვია, როგორც რუსეთის. ისე აქაური კომუნისტების წრეებში; მათ მიერ მიღებულ იქნა უდიდესი ზომები, რათა ეხლავე დაარსებულიყო ინგლისელ და რუს მემლაროეთა კომიტეტი, რომელსაც ანგლო-რუსული კომიტეტის მაგიერობა უნდა გაეწია. მკითხველმა იცის, რომ მოსკოვი ინგლისელ მემლაროეთ «მსოფლიო რევოლუციის» ბურჯათ სთვლიდა, ისინი თითქმის თავის მრევლათ მიიხნდა. თან კუკი გადაჭრით დაპირდა ბოლშევიკებს ორივე ქვეყნის მემლაროეთა კომიტეტის საჩქაროთ დაარსებს. უმთავრესათ ამ მიზნით იყო. რომ რუსებმა შარშან ინგლისელ მემლაროებს მილიონზე მეტი გირვანჯა სტერლინგი გადმოუგზავნეს. ამიტომაც კომუნისტების ბრახს საზღვარი არ ქონდა, როცა მემლაროეთა ფედერაციის თავმჯდომარემ და კონფერენციის მთავარმა მომხსენებელმა ჰერბერტ სმიტმა რუსების მილიონზე სიტყვაც არ დასძრა, ხოლო კონფერენციამ ინგლისელ და რუს მემლაროეთა ცალკე კომიტეტის დაარსებაზე უარი სთქვა. საქმე გათავდა რეზოლუციით, სადაც გამოთქმულია სურვილი, ყველა ქვეყნების მემლაროეთა გაერთიანებისა. მოსკოვს მილიონი წყალში ჩაუცივიდა. თან მას ზურგი უბრუნა

საქართველოს
საბჭოთა კავშირი

ინგლისის მუშათა კლასის სწორედ იმ ძლიერმა რაზმმა, რომელიც «სოციალისტურ-ლუციის» ავანგარდათ გამოაცხადა. ამის შემდეგ გასაგებია ის უშვერი ლანძღვა-გინება, რომლითაც საბჭოთა პრესა ინგლისელ მემალაროეთა მეთაურებს უმასპინძლებდა.

კომუნისტური პარტიის მუშათა პარტიაში დაშვების საკითხზე მუშათა პარტიის დადგენილების თანახმად კონფერენციამ დიდის უმრავლესობით უარი უთხრა კომუნისტებს.

ფედერაციის რეორგანიზაციის საკითხი გადაიღო, სანამ რაიონები წარმოუდგენდნენ თავიანთი შეხედულებას.

ანტი-ტრედუნიონულ ბილის გამო მიღებულ იქნა რეზოლუცია, რომელიც გმობს მთავრობის პოლიტიკას და მოუწოდებს მუშებს დაირაზმონ ეკონომიურ და პოლიტიკურ ორგანიზაციებში ამ სამარცხვინო ბილის გასაბათილებლათ. კონფერენციის ნერვიულობას იწვევს კომუნისტების წარმომადგენელის—ჰორნერის გამოსვლა, რომელიც მოითხოვს ბილის საბრძოლველათ საყოველთაო გაფიცვის გამოცხადებას და იცავს ბრძოლის ბოლშევიკურ მეთოდს. ჰორნერის წინააღმდეგ ერთი მეორეზე სასტიკათ ილაშქრებენ დელეგატები. დაბოლოს სიტყვას იღებს მოხუცი სმითი, რომელიც სხვათა შორის ამბობს: «კომუნისტებო, ნუ ანგრევთ ჩვენ მოძრაობას. მე ვყოფილვარ რუსეთში და გულ ახილათ ვაცხადებ: იქაური, რომ ვიყო საბჭოთა რევიმის წინააღმდეგ მეც რევილიუციონურთა ვიქნებოდი განწყობილი. რუსეთში მუშები არაფრით განსხვავდებიან მონებისაგან. ისინი იქ ყოველივე უფლების მოკლებული არიან სასაცილოა ჩვენი ქვეყნის რუსეთთან შედარება». კომუნისტ ჰერნერის ხმა იყო ხმა მლაღადებლის უდაბნოსა შინა. სდუმდა თვით მეტიჩარა კუკიც.

3.

ლონდონი. ივლისი-აგვისტო, 1927 წ.



ს ა კ რ თ ა მ დ რ ი ს ი ლ მ უ შ ა თ ა მ დ მ რ ა ე ბ ი დ ა ნ .

მიმდინარე ზაფხულში ადგილი ქონდა მრავალ მუშათა სინდიკალური ორგანიზაციების ყრილობებს, როგორც ეროვნულს ისე ინტერნაციონალურს.

სეზონი გახსნა ინგლისის მემალაროეთა კონგრესმა. შესდგა აგრეთვე ინგლისის მეზღვაურთა ნაციონალური ფედერაციის კონგრესი, საფრანგეთის შრომის კონფედერაციისა მე-19. თერთთა ფედერაციის ნაციონალური ყრილობა, მბეჭდავ მუშათა მე-10 საერთაშორისო კონგრესი, მელითონეთა მე-11, დალაქთა საერთაშორისო. მუშახე მომუშავეთა საერთაშორისო და თვით ამსტერდამის გაერთიანების საერთაშორისო მორიგი კონგრესი პარიზში. ზემო ჩამოთვლილი ორგანიზაციები ყველანი შედიან ამსტერდამის გაერთიანებაში. უკანასკნელის კონგრესზე იყო წარმოდგენილი 15.000.000-მდე შეკავშირებული მუშა, 23 მთავარი ეროვნება და 27 ცალკე კავშირთა სეკრეტარიტი.

ამ კონგრესებზე მონაწილეობა მიიღო მთელი ევროპის მუშათა ორგანიზაციებმა გარდა რუსეთისა და იტალიისა, სადაც დიდი ხანია უკვე აღარ არსებობენ მუშათა კავშირები და თვით მუშები ფაქტიურათ მონებათ არიან გადაქცეულნი.

თითქმის ყველა ამ ყრილობებზეა განიხილეს და უარყვეს ევროპულად წოდებული საერთო ფონტის საკითხი წამოყენებული მობოლოშევიკო ელემენტების მიერ. მოსკოვის დამცველებათ გამოდიოდნენ თითქმის ყველგან ინგლისელი ბოლშევიზანები. ძვირათ დაუჯდათ ინგლისელებს მოსკოვის ოპეკა. მათ უკვე დაკარგეს საპატიო ადგილი მუშათა საერთაშორისო მოძრაობის ავანგარდის და ხელმძღვანელის. პერსელე გამოეთხოვა ამსტერდამის თავმჯდომარეობას, ხლო ბროუნი მდივნის ადგილს.

ამ ბოლო დროს მათ მავალითს მიბაძა ფინელმა დელეგატმა ვინმე ვირტმა. მან პარიზში მელითონეთა კონგრესზე შეიტანა წინადადება პროფკავშირების მოწვევის შესახებ. მის საპასუხოთ გამოვიდა ფრანგი დელეგატი, მელითონე შვეალში, რომელმაც კონგრესს გააცნო საინტერესო დოკუმენტი. ეს იყო ინსტრუქცია. რომელიც მოსკოვის მიუცია ფინელ დელეგატ-კომუნისტებისათვის კონგრესზე სახელმძღვანელოთ. მოსკოვი უკარნახებს თავის ფინელ აგენტებს—თუ როგორ უნდა გაეტარებიათ კონგრესზე კომუნისტ. ხაზი და როგორ უნდა აეფეთქებიათ ეს კონგრესი თუ თავისას ვერ

გაიტანდნენ. ამ გამოაშკარავებამ მოახდინა გამსქდარი ბომბის შთაბეჭდილება: ვირტუს და მის ამხანაგებს ენა ჩაუვარდათ.

იგივე ბედი ეწვია «საერთო ფრონტის» საკითხს საფრანგეთის შრომის გენერალურ კონფედერაციის კონგრესზე. კონფედერაციიდან ამ რამდენიმე წლის წინათ გაითიშული კავშირი (ე. წოდებული «სექტეუმი»), რომელიც ფაქტიურად კომუნისტური ორგანიზაციაა, «საერთო ფრონტის» საფრთხილი მოითხოვს, რომ მისი ფედერაციები (ნაციონალური სინდიკატები) დაშვებულ იქნან შრომის კონფედერაციაში, როგორც მთლიანი ორგანიზაციები. ამ წინადადებას მიზნათ აქვს, რა თქმა უნდა, შრომის კონფედერაციის შიგნიდან აფეთქება. მაგრამ საფრანგეთის პროფესიულ მოძრაობის მოღვაწეებს საქმა გამოცდილება აქვთ. რომ კომუნისტურ ოინებს არ წამოეგონ: კონგრესმა დაადასტურა ხელმძღვანელ ორგანოს ხაზი—რომ სექტეტუს წევრებს შეუძლიათ ინდივიდუალურათ დაბრუნდნენ შესაფერ სინდიკატებში, მთლიან ფედერაციის მიღება კი არას შემზღვეში არ იქნება დაშვებული. კონგრესმა სრული ნდობა გამოუცხადა გენერალურ საბჭოს და ხელახლა აირჩია მისი ძველი შემადგენლობა.

ამსტერდამის საერთაშორისო გაერთიანების კონგრესზე პარიზში ამ საკითხმა მეტათ მწვევე ხასიათი მიიღო, რის მიზეზიც იყო ის სრულიად ყალბი და ამსტერდამისათვის შეურაცმყოფელი მდგომარეობა, რომელსაც ქმნიდა ცნობილ პერსელის გაერთიანების თავმჯდომარეთ ყოფნა. ამტყდარ კრიზისს საბაბი მისცა თვით პერსელმა. მან, როგორც თავმჯდომარემ, წარმოსთქვა კონგრესის გასახსნელი სიტყვა, რომელშიც გაატარა თავიდან ბოლომდე არა ამსტერდამის, არამედ მოსკოვის ხაზი. ეს იყო ნამდვილი უზურპაცია მთელი ამსტერდამის ინტერნაციონალის საზოგადოებრივი აზრის.—ჩვენს ინტერნაციონალს უკეთესი სახე ექნებოდა—სიტყვა მან, რომ მას შეემატებინა ის ძლიერი ენერგია და ახალი სისხლი, რომელიც დღეს რუსეთის პროფკავშირებში სჩქეფსო.

ამ უმაგალითო გამოსვლით პერსელმა დაიმსახურა კონგრესის საერთო გულისწყრომა და აღშფოთება. პირველ ყოვლისა მის წინააღმდეგ გამოვიდნენ მისი უახლოესი კოლეგები—ბიუროსა და კონგრესის პრეზიდენტის წევრები. თავმჯდომარის ამხანაგმა, ფონანმა ბულომ განაცხადა, რომ არც ერთი წევრი ბიუროს და არც პრეზიდენტისა (გარდა ბროუნისა) არ იზიარებს პერსელის მიერ გამოთქმულ აზრებს. ამოდინა რიგრიგობით პრეზიდენტის წევრები და სხვადასხვა ქვეყნების და ფედერაციების წარმომადგენელნი და იმასვე აცხადებენ. გერმანელი გროსმანი აცხადებს, რომ პერსელის გამოსვლა იყო შეურაცხყოფა ამსტერდამის ინტერნაციონალის. ასევე პოლანდიელები, ბელგიელები და სხვები.

პერსელს გამოეპარა მხოლოდ ინგლისელი ბროუნი. მისმა გამოსვლამ გამოიწვია არა ნაკლები მღელვარება, ვინემ პერსელისამ. ბროუნმა განაცხადა თითქოს ამსტერდამის ბიუროს უმრავლესობა (კონტინენტის ფედერაციების წარმომადგენელი) საბოტაჟს უწევდნენ რუსების შემოსვლას ინტერნაციონალში, მაშინ როდესაც რუსებს გულწრფელათ სურდათ გაერთიანება. ამის დასამტკიცებლათ მან წაუკითხა კონგრესს ბიუროს მდივნის, პოლანდიელ უდევესტის წერილი. სამი წლის წინათ მიწერილი ეუოსათვის. აღმოჩნდა, რომ ეს წერილი ეუოს არ მიუღია, ხლო ბრაუნს 3 წელიწადი უტარებია ჯიბით, რათა საჭირო მომენტში გამოეყენებია. უდევესტმა წამსვე განაცხადა, რომ წერილის ინგლისური თარგმანი, რომელიც წაიკითხა ბროუნმა, ყალბია და რომ მას საშუალება არ აქვს კონგრესზევე აღადგინოს სწორი ტექსტი, რადგან ის არ მოკლავდა ბროუნის ასეთ არა სინიდიისიერ თავდასხმას და წერილის კოპია ამსტერდა მიდან არ წამოუღია.

ეს კარგეზულად პიროვნებათა, ხლო ნამდვილათ ამსტერდამის ინტერნაციონალის სასიცოცხლო საკითხი კონგრესმა გადასცა გასარკვევთ კომისიას.

კომისიაში ბროუნს მხარი დაუჭირა მთელმა ინგლისის დელეგაციამ; ამიტომ უდევესტმა კონგრესზე შეიტანა განცხადება: ჩემს თანამდებობას ვტოვებ, რადგან დაერწმუნდი, რომ აღარ მაქვს ნდობა ერთი სექციისო.

მოსალოდნელი იყო, რომ ამ მაგალითს მიბაძვდნენ ინგლისელები პერსელი და ბროუნი. მათ ხომ თითქმის ყველა დელეგაციებმა, გარდა ინგლისისამ. უნდობლობა გამოუცხადეს. მაგრამ იმათ არამც თუ გადადგომა არ ისურვეს, არამედ ბიუროს ხელ-

ახალ არჩევნებშიაც არ მოხსნეს თავიანთი კანდიდატურა. საქმე გართულა ინგლისის დელეგაციის პოზიციამ. მან განაცხადა, რომ პერსელი ინგლისის ტრედუნიონების კანდიდატია, რომ მათ არ შეუძლიათ მისი მოხსნა და ითხოვენ მის ხელახლა თავმჯდომარეთ არჩევას. წინააღმდეგ შემთხვევაში—იმუქრებოდენ—ინგლისის ტრედუნიონები იძულებული იქნებიან სრულიად გავიდენ ინტერნაციონალიდანა.

მკითხველმა უნდა იცოდეს, რომ ტრადიციით, 1924 წლის შემდეგ, ამსტერდამის გაერთიანების თავმჯდომარეობა ინგლისელს აქვს მიკუთვნებული, კანდიდატს თვით ინგლისელები ასახელებენ.

მაგრამ, როგორც ვთქვით, ეს პიროვნებათა საკითხი ნამდვილათ სასიცოცხლო საკითხი იყო ამსტერდამის ინტ—სთვის. ამიტომ კონტინენტის დელეგატები გადაპირით წინააღმდეგ ინგლისელების ჯიუტობას, რომელიც უფრო ეროვნული თავმოყვარეობით იყო ნაკარნახევი, ვინემ პერსელის პატივისცემით. ინგლისელების მიერ წამოყენებულ პერსელის კანდიდატს დელეგაციებმა დაუპირდაპირეს ინგლისელივე ხიკსი, ესლახან ტრედუნიონთა კონგრესის თავმჯდომარე. ეს ხიკსიც ბოლშევიზნათ ითვლებოდა, რუსებთან გაერთიანებისთვის იღვწოდა, მაგრამ ამას იგი გულწრფელად სჩადიოდა, სწამდა რომ რუსები «მოჰკვიანდებოდენ» და ამ ბოლო ხანებში გული აუცრუდა «საერთო ფრონტზე», მაშინ როდესაც პერსელი იქცეოდა და იქცევა როგორც მოსკოვის აგენტი და ინტერნაციონალში «საერთო, ფრონტის» მანიფრის გამტარებელი. ინგლისელებმა კენჭის ყრასში მონაწილეობა არ მიიღეს: ხიკსმა მიიღო 68 ხმა, პერსელმა კი ერთი! ბროუნის კანდიდატურა არც კი ყოფილა წამოყენებული.

«პერსელის ეპოქას» კონგრესმა საორგანიზაციო დასკვნაც გაუკეთა: გაუქმებული იქნა ამსტერდამის ინტ—ის თავმჯდომარის კონგრესის მიერ არჩევა. კონგრესი ირჩევს მხოლოდ ბიუროს წევრებს (და გენერალურ მდივანს). ხოლო ესენი—თავმჯდომარეს. ამით შეუძლებელი ხდება «პერსელიადის» განმეორება.

ამგვართ მოხდა «პერსელიადის» ლიკვიდაცია ამსტერდამის ინტერნაციონალში, ეს საერთაშორისო გაერთიანება გაჯანსაღდა, ბოლო ელება იმ ორჟოფობას, რომელსაც ქმნიდა მსოფლიო მუშათა უდიდეს ორგანიზაციის სათავეში მოსკოვის აგენტის ყოლა და რომელმაც ამოდენა ზიანი მოუტანა ამსტერდამს. მოიგონებ პერსელის მგზავრობა რუსეთ-საქართველოში, ის აღშფოთება, რომელიც მისმა მოხსენებამ გამოიწვია მსოფლიო მუშათა და სოციალისტურ წრეებში. მაშინაც ხომ პერსელი ამსტერდამის თავმჯდომარეთ იყო. შემდეგ, მისი მოჯახურობა ამერიკაში, იქაურ სინდიკატების ყრილობაზე მისი გამოხვლა მოსკოვის ადვოკატის როლში, რამაც ამერიკის მუშათა მოძრაობას ხელი შეუშალა ამსტერდამთან დაახლოვების საქმეში. დიდი სამსახური გაუწია პერსელმა მოსკოვს, მარა მან გააკეთა რის გაკეთებაც შეძლო. მომავლისთვის ადარ წარმოადგენს საქიროებას ბოლშევიკებისათვის და აკი აუტყდენ კიდევ: «პრავდამ» კონტრრევოლიუციონერთა ბანაკში მოაქცია, ჩემბერლენის გვერდით დააყენა!

საყურადღებოა, რომ სწორედ პერსელების მზის ჩასვენების ხანაში ხდება თვით ინგლისის მუშათა ყველაზე უფრო მემარცხნე ნაწილში ერთგვარი გადატეხა «მარჯვნივ». ვასული წლის დამარცხებამ, რომელშიც მოსკოვმა თვალსაჩინო როლი ითამაშა, ჩააფიქრა ზემალაროენი. კუქის და კომპანიის დემაგოგიამ მუშათა ეს ძლიერი კავშირი დაასუსტა და დააქუცმაცა კიდევ. მას ჩამოშორდა წევრთა საგრძნობი ნაწილი, რომელიც სტენსერის ხელმძღვანელობით თავს იყრის ახალ, პოლიტიკის გარეშე მდგომ კავშირში. ხოლო მეორე კავშირი (მემალაროეთა ძველი კავშირის კონგრესის შესახებ იხ. ამავე ნომერში ამხ. კ-ის წერილი ლონდონიდან) უარს ამბობს კუქის ხელმძღვანელობაზე, ზურგს აქცევს მოსკოვს და უახლოვდება ზომიერ გზას.

ამის შემდეგ არავის გაუკვირდება, რომ ინგლისელ მეზღვაურთა კავშირმა საესებით მოაწონი მისი თავმჯდომარის, ჯეველოკ ვილსონის ხაზი, დიდის უმრავლესობით აირჩია ის ხელახლა ძველ პოსტზე და ვილსონისვე წინადადებით გადააყენა გამგეობიდან ოთხი ლიდერი მემარცხნე ფრთისა, მათ შორის გენერალური მდივანი დევისიცი. კავშირმა თავისი განცხადება ტრედუნიონთა გენერალურ საბჭოდან გამოსვლის შესახებ უკან წაიღო. მიზეზი განცხადების შეტანისა იყო ტრედუნიონების მარცხნით გადახრა, რასაც, კავშირის აზრით, ესლა უკვე ადგილი ადარ აქვს.

რუსეთში მიემგზავრება კიდევ ერთი ახალი დელეგაცია ეხლა უკვე ამერიკიდან. სახელათ მასაც მუშური დელეგაცია ეწოდება, თუმცა ის კაპიტალისტთა ხარჯზე და საბჭოთა სუბსიდიებით აკეთებს ამ გასართობ ექსკურსიას.

ამერიკის მუშებმა და მათმა ორგანიზაციებმა უარი სთქვეს ამ არამკითხე-მომამბეებზე და საჯაროთ აცხადებენ, რომ ისინი არავის არ წარმოადგენენ გარდა საკუთარი თავისა და რომ ამერიკის მუშათა ორგანიზაციებს არ მიაჩნიათ მიზანშეწონილათ რუსეთში დელეგაციის გაგზავნა.

როგორც დელეგატებმა განაცხადეს ლონდონში, ამ დელეგაციის გაგზავნაში დიდი როლი მიუძღვის მისტერ პერსელს. ამერიკაში ყოფნის დროს მას მოლაპარაკება გაუმართავს იქაური კაპიტალისტების იმ ნაწილთან, რომლებიც დაინტერესებული არიან რუსეთთან აღებ-მიცემობის გაჩაღებაში. მათ უშოვნიათ მხალისეთა მთელი ჯგუფი მუშებში და უკისრიათ ამათთვის სამგზავრო სუბსიდიის მიცემა.

როგორც ეტყობა მისტერ პერსელს ასეთი «საქმეები» უფრო ეხერხება ვინემ მუშათა მოძრაობის უმაღლური ხელმძღვანელობა.

შ. — კლი.

ტყუილების კოდლო.

ცნობილია, რომ კომუნისტური პრესა მთელ ქვეყანაზე სავსეა ყოველნაირი ტყუილებით და ცილისწამებით. ეს მორალური განხრწნა მოდის მოსკოვიდან. თვით მათმა დალაი-დამ ლენინმა საქვეყნოთ აღიარა და დასწერა, რომ ტყუილი და ცილისწამება მისთვის სავსებით მისაღებია. თუ კი ამით მოწინააღმდეგეს გავაშავებო (იხ. მისი სიტყვა 31 მენშევიკის გამო). მაგრამ ამ სფეროშიც რამოდენიმე გარჩევაა. რაც ნაკლები ნიადაგი აქვთ კომუნისტებს თავის ხალხში. მით უფრო ფართეთ სარგებლობენ ლენინის ცნებით და ტყუილებით სურთ დაფარონ თავისი უსუსურობა. ამ მხრით ყველაზე უფრო თავი ისახელა ქართველმა კომუნისტებმა. ეს ვაქტატონები პირს ისე ვერ გააღებენ, რომ ასში ერთი სიმართლე მაინც გაუჩიონ. და რომ ჩვენ ხელობათ აგველა მათი ტყუილების მხილება, მაშინ «ბრძოლის» ყველა ნომერი მაგ საქმისათვის უნდა შეგვეწვირა. ჩვენ დარწმუნებული ვართ, ქართველი მკითხველი ამ ბოროტ ხალხს კარგათ იცნობს და მათ ცრუპენტელობას ოდნავათაც არ დაიჯეოებს.

მაგრამ ამ ბოლო დროს ბოლშევიკებმა წონასწორობა დაკარგეს და თავიანთი გამოცემების ფურცლებს ახალ-ახალი ჭორებით ავსებენ განსაკუთრებით ქართველ ემიგრაციის შესახებ, ვინაიდან ფიქრობენ ემიგრანტები საქართველოდან შორს არიან და ამიტომ ხალხს ადვილათ დაეჯერებთო.

ერთი მორიგი ჭორი ამ უკანასკნელათ გამოახტუნა ცნობილმა ჩეკისტმა ლ. ლოლბერიძემ. ე. წ. ქართველ ინტელიგენციის კრებაზე მან სთქვა, რომ 1924 წ. აჯანყების შემდეგ ე. ურდანიას შევიდა მოლაპარაკებაში დამიტრი სოკოლოვთან ბოლშევიკებთან შერიგების შესახებო. რომ ამ ცრუობისათვის სიმართლის ელფერი მიეცა, მან ამ მოლაპარაკების მუხლებიც კი მოიყვანა. ჩვენ მიერ ამ საგანზე შეკრებილ ცნობებით მტკიცდება, რომ არაფერი ამის მსგავსი არ ყოფილა და მთელი ეს საქმე მიეწერება ამ ჩეკისტის ჩვეულებრივ ფანდებს. სოკოლოვი მართლა ყოფილა პარიზში 1925 წელს და მისი ჩვეულებისამებრ დაუწვია ამ საგანზე ლაპარაკი ყველა ქართველისათვის, ვისაც კი შეხვდებოდა. მხოლოდ როცა ნ. ურდანიასთან მიმდგარა ასეთი ლაპარაკით, მისგან ცივი უარი მიუღია ამ ლაპარაკის გაგრძელებაზე, რის შემდეგ არც კი გამოჩინილა.

ასეთივე მოჭორილია გაზეთ «კომუნისტში» მეორე ამბავი ნ. რამიშვილისა და ალ. ასათიანის შესახებ. აქ მართალია მხოლოდ ერთი რამ: ასათიანმა მართლაც მოისურვა სკანდალის ატება, რამაც მიიღო უბრალო ჩხუბის ხასიათი. მაგრამ ამ უსიამოვნების ის ვერსია, რომელიც «კომუნისტშია» გამოქვეყნებული, თავიდან ბოლომდე მოჭორილია.

საზოგადოებრივ ბოლშევიკებს დაეკარგათ რა ყოველნაირი ნიადაგი ჩვენს მხარეში, ცდილობენ ეს დიდი ნაკლი შეავსონ განუწყვეტელი მიეთმოეთობით. ჩვენს გაზეთს პრინციპიალური დავით ვერაფერი დააკლეს და ახლა გაწიწმამებულნი ჩვენს თანამშრომლებს კერძო ცხოვრების გამოქვეყნებებს შედგომიან და აქაც ჭორი ჭორზე მოუყოლებიან. საწყალ «ახალ გზელთ» და მათ აღებს მტერი არა დარჩენიან რა.

PRO DOMO SUA.

«ახ. გზამ» საგანგებო წერილი მიძღვნა (იხ. «ა. გ.» № 30: «ბრძოლის კალმოსანი დ. გ. შარაშიძე»). რომელსაც ხელს აწერს ვინმე ჩემთვის უცნობი და, ალბათ, ჩემი არამცნობი სანდრო გვიმრაძე. ვეუვობ, რომ ეს საუცხოველი ნაწარმოები ეკუთვნოდეს ბ-ნ გვიმრაძეს, რომელსაც, მის მცნობ პირთა მოწმობით, ამ ორი-სამი წლის წინ მოკითხვის წერილის შედგენა უჭირდა თურმე. თუ ეს ჩემი «ბიოგრაფია» მართლა მისი დაწერილია, უნდა მივულოცოთ პეტრე გელეიშვილს: ფრიად ნიჭიერი წამბაძავე შეუძენია მისთვის სასახელო ლიტერატურულ ქანრში: იგივე სტილი, იგივე რუსულ ყაიდის გინება აზრების ადგილას, იგივე მანერა დავის პირადულ ნიადაგზე გადატანისა და მოწინააღმდეგის ჭორით და ლაფით გამასპინძლებისა, რაც პეტრეს მთავარ ლიტერატურულ თვისებას, მის «მეორე ბუნებას» შეადგენს. მოწაფემ ლამის თვით მავსტროს გაუსწროს: ამდენი სიმყარალით შეზავებული ჭორის გულა, ჩემის ცნობით, ჯერ არავის გამოუტანია ლიტერატურაში და არც გამოიტანება თუ არ «ახ. გზის» ფურცლებზე. და სწორედ ამიტომ პეტრეს alter ego-ს ამგვარი გამოლაშქრება ჩემი «მცირეობის» წინააღმდეგ ნამდვილი ლიტერატურული სილატაკის მოწმობაა ახალგზელთათვის. რომელი მკითხველი ვერ მიხვდება, რომ ამ ხარისხის «პოლემიკური» იარაღით სარგებლობა შეეძლო მხოლოდ იმათ, ვისაც «ბრძოლის» მხილება მონება და გრძობა აურიან! სჩანს ჩვენი ყურნალის ლიტერატურული ისარი სწორად სცემს, ისარნაკრავნი მოვერიების უნარს ჰკარგავენ ვარეშე ჭორიკანობისა და ქუჩური გინებისა. და ეს «ბრძოლის» უნიჭა «მჯღბანელისათვის» მცირე დაკმაყოფილება არ არის.

დ. შარაშიძე.

წ ე რ ი ლ ი რ ე დ ა კ ც ი ა ს მ ი მ ა რ თ .

პატივცემულო ამხანაგო რედაქტორო!

გთხოვთ ყურნალ «ბრძოლის» მორიგ ნომერში მომითავსოთ შემდეგი განმარტება.

12 ივლისის «კომუნისტში» მოთავსებული იყო ინტერვიუ ბ. ხაბურძანიასი, რომელიც ახასიათებს რა მენშევიკური პარტიის საქმიანობას ქ. პრალაში, ყოფს ადგილობრივ პარტიის ორგანიზაციას ორ ჯგუფათ. ეგრეთ წოდ. «ქეშმარიტ ანუ მკავე» მენშევიკებათ და «ოპოზიციონერებად». ამ უკანასკნელ ჯგუფს მიკუთვნებული ვარს ხსენათა შორის მეც.

ყოველივე გაუგებრობის თავიდან ასაცილებლათ საჭიროთ მიმჩნია განვაცხადო შემდეგი: დღიდან ჩემი გადმოსახლებისა (1922 წ.) საზღვრგარედ, საცა მე ვიმყოფები ამჟამად, მე არავითარ ოპოზიციონურ ჯგუფს არ ვეკუთვნოდი და არ ვეკუთვნი. პირველ ყოვლისა მე ვცნობ და ვეკუთვნი ს. ს. დ. მ. პარტიას და შემდეგ მის ორგანიზაციას ქ. პრალაში, სადაც მე ვმუშაობ დღემდის.

ამხანაგური სალამით ვლახა ს. ინწვირველი.

პრალა, 14 აგვისტო, 1927 წ.

Rédaction et Administration:

M-r. D. Charachidzé.

Le Gérant: G.-A. Bernard.

8. Cité Rondelet. Montrouge (Seine)

Imprimerie A. Lejeune, 95, Grande Rue. Arpajon (S. et. O.)